

釋

名

疏

證

補

釋名疏證補卷第六

長沙王先謙撰集

釋牀帳第十八

釋書契第十九

釋典藝第二十

釋牀帳第十八

人所坐臥曰牀牀廢也所以自廢載也長狹而卑曰榻畢沅曰

木旁言其榻然近地也畢沅曰今本其下衍鶴字據北堂書鈔引刪小者曰獨坐主

人無二獨所坐也王啟原曰一切經音義四引埤蒼枰榻也謂獨坐板牀也服虔通俗文則云牀三尺五曰

榻板獨坐曰枰八尺曰牀榻枰異實以榻釋枰對文異散則通也水經注湘水篇云賈誼宅有一腳石牀幾容一人坐云誼宿

所坐牀是即枰也

枰平也畢沅曰說文枰平也从木从平平亦聲以板作之其體平正也畢沅曰今本脫之字

據一切經音義引增王啟原曰枰有二義一曰枰枰方言所以投箸謂之枰是也一即謂獨坐牀此與牀相次當指小牀上當

有亦曰二字連上為一條

几廢也所以廢物也

畢沅曰廢九委反廢之言闕也今本作展因形近而禱御覽引作皮廢與皮皆說文

所無鄭注攷工記玉人曰祈沈以馬釋文引小爾雅祭山川曰祈沈又引爾雅祭山曰廢縣祭川曰浮沈而音祈為九委反然

則古當借祈為廢字與

筵衍也舒而平之衍衍然也

葉德炯曰周禮春官序司几筵注鋪陳曰筵說文筵竹席也从竹延

聲周禮云度堂以筵筵一丈案許所引即考工記堂上度以筵文其云筵一丈或本師說

席釋也可卷可釋也

畢沅曰說文席籍也案鄭注周禮春官敘官云鋪陳曰筵籍之曰席則籍之義優於

釋王啟原曰釋亦藉也說文藉祭藉也儀禮聘禮記出祖釋韍禮記月令習舞釋萃皆祭藉之義楚辭惜謫欲釋階而登天兮

言藉階登天也王逸訓釋為置非

簟覃也布之覃覃然平正也

葉德炯曰說文衍長行也覃長味也覃之訓覃與筵之訓衍皆取長

義

薦所以自薦藉也

蘇輿曰薦蓋草席之名卽釋器所云蓐謂之茲也一切經音義引三蒼及華嚴經音義引

聲類並云蓐薦也史記周本紀集解引徐廣云茲者藉席之名此以薦爲薦藉卽所云藉席也說文薦獸之所食艸从薦从艸薦以草爲之故取名焉其有著者則謂之茵少儀鄭注所云茵著席是也

蒲平

畢沅曰今本作蒲草也誤據御覽引改說文蒻蒲子可以爲平席鄭注禮記閒傳云芾今之蒲芾也鄭又注周禮車

僕云故書芾作平則平芾古今字此作蒲平極是

以蒲作之其體平也

氊旃也

王先慎曰說文氊从毛直聲旃或从直作旌二字均從直得聲老子王注必知氊裘釋文氊本作旃是氊旃通

用毛相著旃旃然也

褥辱也人所坐褻辱也

畢沅曰衣旁作褥俗字也於文當作蓐

裘洩猶婁數毛相離之言也

畢沅曰一切經音義裘洩作氈氈乃說文新附字成蓉鏡曰卽氈氈

之聲轉蘇輿曰成說是御覽七百八引通俗文云織毛褥謂之氈氈聲類氈氈毛席也

榻登施之承大牀前小榻上登以上牀也

畢沅曰今本作榻登施大牀之前小榻之

上所引登牀也據後漢書注引改一切經音義引作氍毹施之
大牀前小榻上所以登上牀者因以名焉案氍毹亦說文新附
字成蓉鏡曰御覽七百八引通俗文氍毹細者謂之氍毹名氍
毹者施大牀之前小榻之上所以登而上牀也王啟原曰榻登
之物緣榻以登而名故說文無氍毹字然成國之前已有作氍
毹者如成所引服虔通俗文是也東觀漢記景丹率眾至廣阿
光武出城外下馬坐氍毹上設酒肉班固與弟書月支氍毹大
小相雜但細好而已皆在成國前氍毹以毛爲之故制字从毛
也

貂席連貂皮以爲席也葉德炯曰西京雜記云昭陽殿設綠熊
皮席毛皆長一尺餘此亦貂席之屬御

覽獸部二十四引東觀漢記云建武
二十五年烏桓國詣闕朝賀獻貂皮

枕檢也所以檢項也蘇輿曰說文枕臥所薦者也易坎六三險
且枕釋文云古文及鄭向本險作檢虞翻

云檢止也項承於枕止其
所而不遷故云所以檢項

帷圍也所以自障圍也畢沅曰說文在旁曰帷在旁故曰障圍
也此當作障口說文口象回而之形圍

訓守也兩義不
同今人多通用

幕幕絡也在表之隅也

葉德炯曰說文幕帷在上曰幕覆食案亦曰幕案漢朱鮪墓石室書象二十五

幅凡下有杯勺尊盤人物上皆有幕懸空此正覆食案之幕

小幕曰帟張在人上

葉德炯曰北堂書鈔儀飾部二引無人字

帟帟然也

畢沅曰鄭注禮記檀

弓上君於士有賜帟云帟幕之小者所以承塵又注周禮幕人云帟主在幕若幄中坐上承塵說文新附有帟字

幔漫也漫漫相連綴之言也

畢沅曰漫字當從說文作曼曼引也據云相連綴自當用曼引之曼

今加水

旁俗

帳張也張施於牀上也

王啟原曰史記高帝紀復畱止張飲三

林禁苑其張官館注師古云其音居用反張音知亮反後漢書班固傳供張置平雲龍之庭注供張供設帷帳也則言張即爲

帳故說文亦云帳張也

小帳曰斗帳形如覆斗也

畢沅曰今本脫斗下帳字據廣韻引增王啟原

曰玉臺新詠古詩爲焦仲卿妻作紅羅複斗帳四角垂香囊

幰廉也自障蔽爲廉恥也

畢沅曰說文幰帷也从巾兼聲葉德炯曰幰即簾也北人以帟爲之南人

以竹爲之故其字从巾从竹兩相通用御覽服用部二引西京雜記云漢諸陵寢皆以竹爲簾也又引晉東宮故事云簾箔皆以青布緣絀此以帛爲簾也說文簾堂簾也與幪異訓御覽又引通俗文戶帷爲簾亦以簾當幪簾爲蔽障之物故御覽引夢書云夢簾屏風蔽匿一身也

幢容幢童也

畢沅曰今本作幢容也案童容加巾旁俗字也章懷注後漢書班超傳引幢童也其貌童童然則此

也字上本有幢童二字今據補鄭仲師注周禮巾車云容謂襜車山東謂之常帷或曰童容鄭康成箋岷詩云帷裳童容也

施之車蓋童童然以隱蔽形容也

畢沅曰當云童童然容隱也若形容字本作頌王啟原曰

蜀志先主傳舍東南角籬上有桑樹生高五丈餘遙望見童童如小車蓋或其枝葉童容可隱若魏文帝雜詩西北有浮雲亭亭如車蓋雲高非可隱故云亭亭不云童童也

戶幪施之於戶外也

先謙曰此則今之門簾上但言幪蓋形製差小專施於隱閤之處以自障蔽故云爲

廉恥也

牀前帷曰帖言帖帖而垂也

畢沅曰三帖字御覽引皆作幪葉德炯曰說文無幪字故借帖爲之

御覽引作幬从俗也又引通俗文云幬牀曰幬字亦作幬先謙曰此今之牀幬亦曰牀幬

幄屋也以帛衣板施之形如屋也

畢沅曰說文幄木帳也从木屋聲無幬字後人以帛衣板

乃始易木从巾王啟原曰周禮幕人掌帷幄帟綬之事汪幄四合象宮室此正以屋訓幄漢書陸賈傳去黃屋稱制注黃屋謂車上之蓋也獨斷云黃屋者以黃爲裏也是乘輿之黃屋即黃幄幄之制必先立板而後帛有所傳自有幄已然周禮已作幄不得謂後人易木从巾以帛衣板故經典从巾作幄說文从木作幄各有所當不容偏主

承塵施於上以承塵土也

畢沅曰今本無以字據御覽引增成蓉鏡曰周禮幕人注帟主在幕若幄

中坐上承塵禮記檀弓君於士有賜帟注幕之小者所以承塵後漢書雷義傳金主伺義不在默投金於承塵上抱朴子見獼猴走上承塵上御覽七百一引語林云傳信取雞鳴去毛置承塵上太平廣記二百九十二引列異傳漢中有鬼神樂侯常在承塵上今江淮間謂之仰塵蘇輿曰承塵亦有單言塵者楚辭招魂經堂入奧朱塵筵些王逸注塵承塵也搏壁以席搏著壁也

畢沅曰楚詞薛荔拍兮蕙綢王逸注拍搏壁也拍一作柏竝音博

屨倚也在後所依倚也

畢沅曰屨古通作依儀禮覲禮曰天子充冕負斧依周禮司几筵王位設黼依

依前南鄉鄭注依之制如屏風然皮錫瑞曰魏書李謐明堂制度論引鄭康成三禮圖云屨從廣八尺畫斧文於其上今之屏也

屏風言可以屏障風也

王啟原曰經典或言屏或言樹無言屏風者鄭注禮則屨舉若今屏風屏風始

見燕丹子八尺屏風可度而越蓋秦蔑古法不合古制名之屏風言其用耳蘇輿曰御覽服用三引云屏風以屏障風也屨在後所依倚也據此則宋人所見本屏風在屨前

釋書契第十九

筆述也述事而書之也

葉德炯曰禮曲禮史載筆鄭注筆書具之屬藝文類聚引韓詩外傳趙簡子有

臣曰周舍墨筆執牘從君之後則筆始於周世以爲蒙恬造筆非也說文筆秦謂之不聿以秦託始似亦泥於蒙恬所造之說蘇輿曰御覽文部二十一引崔豹古今注云牛亨問曰古有書契已來便應有筆也世稱蒙恬造筆何也答曰自蒙恬始作秦筆耳以死木爲管以鹿毛爲柱羊毛爲被

硯

葉德炯曰說文硯石滑也藝文類聚雜文部四引太公金匱曰硯之書曰石墨相著邪心諧言毋得汗白據此則硯始於

太公研也研墨使和濡也

畢沅曰今人即以研爲硯失之初學記引研墨上有可字

墨晦也言似物晦黑也

畢沅曰今本晦作詩悠悠我里亦孔之

字今本無亦據增案說文徵中久雨青黑

紙砥也謂平滑如砥石也

畢沅曰御覽引無謂字成蓉鏡曰東

也或據此謂紙始於蔡倫今攷御覽六百五引王隱晉書云魏太和六年博士河間張揖上古今字詰其巾部云紙今帋也其字從巾古以縑白依書長短隨事裁緝數重沓卽名幅紙字從糸此形聲也後和帝元興中中常侍蔡倫以故布摺剉作紙故字從巾是其聲雖同糸巾爲殊不得以古之紙爲今紙據此則東觀漢記所云蔡倫作紙乃摺布爲之非謂縑紙亦倫所舛

板版也版版平廣也

畢沅曰板說文止作版从片版今本皆譌作般據御覽引作版音半旱切今改正說

文版大也與平廣義亦相合蘇輿曰御覽文部二十二引下句作上平廣也春秋演孔圖孔子曰某作春秋天授演孔圖中有大玉刻一板曰璇璣一低一昂又蜀志載譙周板示文立曰典午忽兮月酉沒兮卽此是已其上平廣故可書字後世簡召官員亦用板其體製無定御覽載有相板經是也又臣下笏簿亦稱手板

奏鄒也鄒狹小之言也

畢沅曰段云鄒卽史記漢書之所云鯁生鯁者淺鯁卽狹小也成蓉鏡曰漢書

雜事云秦初之制改書爲奏又云羣臣奏事上書皆爲兩通一詣后一詣帝凡羣臣之書通於天子者四品一曰章二曰奏三

曰表四曰駁議見御覽五百九十四

札櫛也編之如櫛齒相比也

畢沅曰說文冊象其札一長一短中有二編之形故曰編之如櫛齒

相比

簡閒也編之篇篇有閒也

王先慎曰閒謂閒斷也漢書藝文志劉向以中古文校歐陽大小夏侯三

家經文酒誥脫簡一召誥脫簡二率簡二十五字者脫亦二十

五字簡二十二字者脫亦二十二字左傳服虔注古文篆書一

簡八字正義簡之所容一行字耳每簡僅容字一行故編之

篇篇有閒也蘇輿曰御覽文部三引作簡書編也爲言閒也

笏也象形今儀禮禮記中俱作笏字

忽也君有教命及所啟

白則書其上備忽忘也畢沅曰禮記玉藻史進象笏書思對命鄭注思所思念將以告君者也對所以

對君者也命所受君命也書之於笏爲失或曰簿言可以簿疏

忘也玉藻又云造受命於君前則書於笏

物也

畢沅曰簿俗字也據漢夏承碑為主簿督郵韓勅碑主簿

書並從竹如籍藉之類亦互相通今本脫或曰二字而以簿列於前笏次其後分爲二條據左氏桓二年正義及御覽引更正合併之物今本作密亦據改案古用笏漢魏以來謂之簿卽手板也蜀志稱秦必以簿擊頰卽此是已

槧板之長三尺者也槧漸也言其漸漸然長也

畢沅曰案廣韻御覽引無板下

之字言下其字葉德炯曰西京雜記楊雄懷鉛提槧從諸計吏訪殊方絕俗之語作方言

牘睦也手執之以進見所以爲恭睦也

葉德炯曰說文牘書版也漢書昌邑王傳持牘

趨謁又東方朔傳上三千奏牘卽此

籍籍也所以籍疏人名戶口也

畢沅曰人名疑誤當作人民周禮均人云均人民牛馬車輦之

力政又司民云掌登萬民之數自生齒以上皆書於版異其男女歲登下其死生鄭注版今戶籍也是籍所以籍疏人民戶口也葉德炯曰人名字不誤史記貨殖傳程鄭卓氏曹邴氏刁間橋姚田嗇田蘭雍樂成游俠傳魯朱家楚田仲濟南酈氏雒陽劇孟符離王孟長安樊仲子西河郭公仲太原鹵公孺臨淮兒長卿皆鄉里細民其名字著於版籍故史公得知其詳後世考

試之冊亦然如宋紹興題名錄寶祐登科記諸書尙可得其梗概也蘇與曰古今注牛亨問籍者何云答曰籍者一尺二寸竹牒記人之年名字物色懸之官門案省相應乃得人也又御覽六百六引晉令云郡國諸戶口黃籍籍皆用一尺二寸札已在官役者載名此亦籍書人名之證畢說非

檄渤也下官所以激迎其上之書文也

畢沅曰御覽引無文字說文檄二尺書从木敎

聲案戰國以來始有檄名或以諭下或以辟吏或以徵召或以威敵未有如此所云者文心雕龍云檄者讖也亦似得之王啟原曰案畢所舉數義證之史傳皆合然致疑於此謂爲未有則過後漢書陳實傳懷檄請見范丹傳少爲縣小吏奉檄迎督郵吳祐傳注引謝承書上司無牋檄之敬三國志呂蒙傳孫權與陸遜論周瑜魯肅及蒙曰孟德因獲劉琮之勢張言方率數十萬眾水步俱下孤普請咨問所宜無適先對至子布文表俱言宜遣使修檄迎之此皆下官迎上書文之明證激迎之說未可也非

檢禁也禁閉諸物使不得開露也

畢沅曰說文檢書署也王啟原曰後漢書公孫述傳輒早

囊施檢文稱詔書注書署也蓋取檢制之義今人所云題簽也通俗文記識曰籤則漢時亦謂之籤皮錫瑞曰周禮司市以璽

節出入之注璽節印章如今斗檢封矣疏案漢法斗檢封其形方上有封檢其內有書後漢書公孫瓚傳袁紹矯刻金玉以為印璽每有所下輒早囊施檢章懷注檢今俗謂之排排如今言幪簽耳說文檢書署也續漢書祭祀志尚書令奉玉牒檢皇帝以二分璽親封之

璽徙也封物使可轉徙而不可發也

畢沅曰說文璽王者印也所以主土从土爾聲籀文

作璽从玉今本作璽从籀文也案秦漢以來唯天子之印稱璽其下則否故云王者印周以前則璽印通稱周禮掌節貨賄用璽節鄭注璽節者今之印章也左

璽二十九

年傳璽書追而與之

印信也

畢沅曰北堂書鈔初學記

皆引作所以封物以為驗也

亦言因也封物相因付也

謁詣也詣告也書其姓名於上以告所至詣者也

成啓鏡曰御覽七百十引

李尤書案銘通達謁刺王啟原曰後漢書孔融傳河南尹何進當遷為大將軍楊賜遣融奉謁賀進不時通融即奪謁還府又文苑傳言羊陟大從車騎奉謁造壹謁即今造往之名刺羊陟列卿於計吏亦奉謁則上下通用如孔融為楊賜奉謁則似今

之差帖者也張超著賦頌雜文十九篇傳列其目有謁則亦有為文者蓋非通例

符付也書所勅命於上付使傳行之也

畢沅曰漢制徵郡守以竹使符發兵以銅虎符

皆必書敕命以付使者蘇輿曰文心雕龍符者手也徵召防偽事資中孚三代玉璫漢世金竹末代從省代以書翰矣此云書

所勅命於上亦亦言赴也執以赴君命也

畢沅曰亦言赴也今本作節赴也提行別

起案節無赴訓赴音又不近節此書本文必不如此且節別見於釋氏篇不應重出此赴也實訓釋符義符赴音相近也故改

作亦言赴也以承符下如上條亦言因也之例

傳轉也轉移所在執以為信也亦曰過所

句過所至關津以示

之也

畢沅曰漢書文帝紀十二年三月除關無用傳張晏曰傳信也若今過所也鄭注周禮司關云傳如今移過所文書

然則漢時謂傳為過所此條過所至關津以示之也九字今本誤脫在後示不也之下御覽引作過所至關津以示或曰傳轉

也移轉所在識為信也亦未是蓋御覽以過所為目故改其文以遷就之耳今移過所之文附於傳增亦曰過所四字庶文義

允愜矣蘇輿曰中華古今注程雅問傳者何云答曰傳者以木為之長一尺五寸書符信於其上又一板封以御史印章所以

爲期信卽如今之過所也言經過所在爲證也

券縑也相約束縑縑以爲限也

畢沅曰說文券契也从刀夔聲券別之書以刀判契其旁故曰

契券葉德炯曰宋人古文苑載王褒買奴券御覽載石崇奴券均詳載役使事卽此所云約束爲限也蘇輿曰文心雕龍券者束也明白約束以備情僞字形半分故周稱判書古有鐵券以堅信誓王褒書奴則券之楷也其義本此

前別也大書中央中破別之也

畢沅曰御覽引云券縑也相約束縑縑以爲限也大書中央中

破別之是以此條合於上條并爲一矣案鄭注周禮小宰云傳別謂爲大手書於一札中字別之質劑謂兩書一札同而別之傳別質劑皆今之券書也事異異其名耳然則券書固有二也兩書一札同而別之者所謂相約束縑縑以爲限也一札中字別之者此所謂前別也大書中央破別之自當分爲二條前字俗玉篇始載之古別字與北字形近故虞書分北三苗當本是分火三苗古別字作也孫詒讓曰前卽別之變體从艸無義攷廣雅十七薛有箭字注一云分契蓋符契古多用竹箭亦本从竹變爲竹字從从艸葉德炯曰晉太康五年楊紹買冢地前云大男楊紹从土公買冢地一丘東極關澤西極黃陂南極山背北極於湖直錢四百萬卽日交畢日月爲證四時爲任太康五年九月二十九日對共破前民有私約如律令此古前文之

僅存者其石刻
在浙江山陰

契刻也刻識其數也

畢沅曰說文大部云契大約也从大初聲

云契契也契刻也增一轉訓乃合而此即以契為刻者釋詁契
絕也郭注今江東呼刻斷物為契斷呂氏春秋察今篇契舟求
劍淮南齊俗訓越人契臂皆以契
為刻與契契皆同義故今仍本文

策書敕令於上所以驅策諸下也

畢沅曰說文策馬箠也故曰
驅策成蓉鏡曰漢制度云帝

之下書有四一曰策書策書者編簡也其制長二尺短者半之
篆書起年月日稱皇帝以命諸侯王三公以罪免亦賜策而以
隸書用尺一寸兩行惟此為異也見後漢書光武紀
注文心雕龍亦云漢初定儀則有四品一曰策書
漢制約敕

封侯曰冊

畢沅曰說文冊符命也諸侯進受于王也象其札一
長一短中有二編之形漢書武五子傳齊王閔與燕

王旦廣陵王胥同日皆賜策冊
字作策則古字策與冊通也
冊讀也敕使整頓不犯之也

畢沅
曰御

覽引作敕使整頓不犯法也今本漢制以下提行別
分作二條據御覽引并合之案策冊字通固當封台

示示也

畢沅曰上過所至關津以示之也諸本文皆在此不知
示之為用廣矣焉得以過所一事盡之由不學者不知

過所之為傳名但見亦有示字遂繫之
此條下耳今既移上遂於此削去之

啟詣也以啟語官司所至詣也

畢沅曰今本作詣啟也係誤到又下啟字誤作君今竝據文義

改正又疑啟當作榮說文榮傳信也漢書文帝紀注李奇曰傳
榮也則當與符傳相連俟攷先謙曰吳校啟詣也作啟亦詣也

下啟字
作告

書庶也紀庶物也亦言著也

畢沅曰說文書著也从聿者聲說文敘云著於竹帛謂之書書者如

也葉德炯曰唐釋湛然止觀輔行傳

著之簡紙永不滅也

畢沅曰今

宏決四之三引此下有著萬物三字
本脫著也二字據廣韻引增尚書正義引作書者庶也以紀庶
物又為著言事得彰著御覽引與此同唯簡紙作簡編為異

畫繪也以五色繪物象也

畢沅曰今本作畫挂也以五色挂物上也據御覽引改挂為繪據廣韻引

改上作象攷工記曰
畫繪之事雜五色

書稱刺書以筆刺紙簡之上也

王啟原曰高誘淮南序言典農并揖借取刺之謂寫之也是漢

末有此語蘇與曰文心雕龍刺者達也詩人諷刺周禮三刺事
敘相達若針之通結矣即此刺字之義先謙曰吳校書稱刺書

作書書稱刺又曰到寫寫此文也畢沅曰今本到字加人旁說文新

於他器也鄭注周禮卿大夫云內史副寫畫姓名於奏上曰畫

其書又注御史云爲書寫其治之法令刺畢沅曰畫今本皆作書據御覽引改又名今作再拜起居字

皆達其體使書盡遺徐引筆書之如畫者也王啟原曰齊書符

司奏掘得泉中得銀木簡長一尺廣二寸隱起文曰廬山道人

張陵再拜謁詣起居又引宋均注云張陵佐封禪一云陵仙人

也宋均魏博士此或其緯注文若陵爲仙人則卽道家之張道

陵皆漢人也此漢人之式僅存者六朝時道人謂僧漢時蓋爲

道釋通稱先謙曰下官刺曰長刺長書中央一行而下也又曰

吳校刪使下書字爵里刺爵里刺書其官爵及郡縣鄉里也畢沅曰御覽引又曰作又有

名臣奏云黃門侍郎荀侯奏云今吏初除有三通爵里刺條疏

行狀又引夏侯榮傳云賓客百餘人一奏刺悉書其鄉邑姓名

世所謂爵里刺書稱題題諦也審諦其名號也畢沅曰周禮司常官府各象其

事州里各象其名家各象其號

鄭注事名號者微識所以題別眾臣士喪禮為銘各以其物亡則以緇長半幅頽末長終幅廣三寸書名於末此蓋其制也微識之書則云某某之事某某之名某某之號是題所以審諦亦名號也但書之稱題不止此也先謙曰吳校書下有蹟字

言第因其第次也畢沅曰古書標題每篇之首必題第一第二等目以迄於終此次弟之弟本不必加竹說

文弟韋束之次弟也與兄弟之弟同一字先謙曰吳校亦言第下有也字

書文書檢曰署畢沅曰說文署予也題所予者官號也畢沅曰漢書蘇

武傳上思股肱之美乃圖畫其人於麒麟閣法其形貌署其官爵姓名唯霍光不名凡十一人王啟原曰書文書檢者題文書封面也二書字異義文書公文之名謂公文既封而題署所予之人檢猶今之緘封題所予者官號若漢世祖與公孫述書署曰公孫皇帝是也畢沅曰漢書司馬相如

上敕下曰告告覺也使覺悟知己意也畢沅曰漢書司馬相如

民其檄首言告巴蜀太守末言檄到至下縣道咸諭陛下意是使覺悟知己意也蘇輿曰告覺疊韻字本書釋姿容覺告也互相

下言於上曰表

畢沅曰今本無於字據廣韻引增

思之於內表施於外也

畢沅曰御

覽引作下言章上言表思之於內施之於外也蔡邕獨斷云凡羣臣上書於天子者有四名一曰章二曰奏三曰表四曰駁議

又曰上示之於上也

畢沅曰史記李斯傳斯上書諫逐客漢書武五子傳壹闕三老上書訟太子冤文選

三十七卷注云六國及秦漢兼謂之上書至漢魏以來都曰表

又曰言言其意也

畢沅曰表體

某言者

約約束之也

畢沅曰上約字一肖反下約字一虐反周禮秋官有司約鄭注約言語之約束

敕飭也使自警飭不敢廢慢也

畢沅曰呂氏春秋孟春紀田事既飭高注飭讀作敕則敕飭音

義同也今本飭作飾誤據義改之葉德炯曰漢舊儀有漢丞相遣郡國計吏勅及御史大夫遣郡國計吏勅二篇是漢時勅行之臣下且不恆用故文選無此門類唐以來凡人主敕下之詞曰敕如大唐詔令所載諸敕文是也

謂猶謂也猶得敕不自安謂謂然也

畢沅曰廣韻憐憫不安也此猶謂也謂謂然似當皆

作憐然說文無憐字釋詁謂勤也勤則有不敢自安之義然此條究不甚明曉先謙曰吳校謂猶謂也作謂猶謂謂謂謂作

釋典藝第二十

三墳墳分也論三才分天地人之始其體有三也

畢沅曰今本三才下衍之

字始又譌為治據北堂書鈔藝文類聚引刪改王啟原曰爾雅墳大防又墳莫大於河墳字本作垠說文垠塵也从土分聲一曰大防也垠以埽土使水土各有其限是有分義故廣雅亦云墳分也家語正論王注三墳三皇之書也古今注董仲舒曰三皇三才也

五典典鎮也制教法所以鎮定上下差等有五也

畢沅曰今本脫教字差作

其據藝文類聚引增改王啟原曰左昭十二年傳正義引延篤言張平子說五典五帝之常道又引賈逵曰五典五帝之典說文典五帝之書也蓋用其師說月令以五帝分主五行漢書藝文志五行者五常之形氣也古今注董仲舒曰五帝五常也典古義或為常或為法無訓鎮者楚策吳與楚戰於柏舉蒙穀舍鬬奔郢入太宮負雞次之典以浮於江逃於雲夢之中昭王反郢五官失法百姓昏亂蒙穀獻典五官得法而百姓大治亦訓典為法然失典而亂得典而治是典為國之鎮亦有鎮義蘇與

日御覽學部二引制下有作字差等作其等說文鎮從眞聲詩
維清以典均庭知典鎮古音本近漢時猶然故成國依聲釋之
段氏音均表鎮在十
二部典在十三部

八索索素也著素王之法若孔子者聖而不王制此法者有八

也皮錫瑞曰史記殷本紀或曰伊尹處士湯使人聘迎之五反
然後肯往從湯言素王及九主之事是古有素王之法非始

於孔子蘇輿曰書僞孔序八索左昭十二年傳八索釋文索本
作素是索素字同賈逵左傳注八索素王之法聯收釋義與此
義同又賈氏春秋序云孔子覽史記就是非之說立素王之法
漢書董仲舒傳孔子作春秋先正王而繫萬事見素王之文焉

並成國
所本

九丘丘區也區別九州之土氣

畢沅曰今本胤之字據北堂書
鈔引增王先慎曰之字不增亦

通藝文類聚五十五引作區別九州土教化所宜施者也此皆
氣是唐人所見釋名亦有無之字之本

三王以前上古義皇時書也

畢沅曰昭十二年左傳是能讀三
墳五典八索九丘賈逵注三墳三

皇之書五典五帝之典八索八王之法九丘九州亡國之戒馬
融說三墳三氣陰陽始生天地人之氣也五典五行也八索八

卦九丘九州之數也案三墳當從馬說五典則賈說是八
索九丘未審孰得之蘇輿曰藝文類聚御覽上古作上至今皆
亡惟堯典存也畢沅曰孔氏逸書有舜典逸書未列於學官遂
陵夷以至於亡故惟堯典存蘇輿曰御覽亡下

有失

經徑也常典也

畢沅曰今本脫此三字據御覽引補
北堂書鈔初學記引作典常也非

如徑路無

所不通可常用也

王先慎曰初學記二
十一引如上有言字

緯圖也反覆圍繞以成經也

葉德炯曰大戴禮本命凡地東西
為緯南北為經淮南地形訓注子

午為經卯酉為緯案古言經緯皆對文地球以南北極為樞紐
有經緯度日月繞地球東西而行是緯度也此云反覆圍繞正

是此義蘇輿曰緯之為書比傳於經輾轉牽合以成其誼今
所傳易緯詩緯諸書可得其大概故云反覆圍繞以成經

圖度也畫其品度也

畢沅曰畫今本作畫訛釋言猷圖也郭注
周官以猷鬼神祇謂圖畫蘇輿曰此圖謂

圖識之圖故與緯識連文河圖挺佐輔黃帝至於翠嶠之川龍
魚折鬐而至蘭葉朱文以授黃帝名曰緣圖則圖本義之屬書
顧命僞孔傳河圖八卦伏羲王天下龍馬出河遂則其文以畫
八卦謂之河圖正圖為畫其品度之指隋書經籍志載漢末郎

中祁萌集圖緯識雜占為五十卷即此類也畢但以圖畫為證非是國度聲近義同

識緯也

葉德炯曰世言識緯始於漢之哀平非也文選思元賦汪引蒼頡篇識書河洛書也識文曰識驗也太史公自

序引孔子曰我欲載之空言不如見之行事之深切著明也此春秋緯文又易曰失之豪釐差之千里徐廣注今易無此語易緯有之宋洪适隸釋載小黃門譙敏傳云其先故國師譙贛深明典奧識錄圖緯能精微天意傳道與京君明云云譙京馬遷均哀平以前人是識緯之學盛於西漢其義纖微而有效驗也畢沅曰今本無而緯經音義引增葉德炯曰如秦語盧生奏錄圖曰亡秦者胡也史記秦本紀有人遮使者曰今年祖龍死漢書高帝紀姬曰吾子白帝子也今者赤帝子斬之後漢光武紀宛人李通說光武云劉氏復起李氏為輔及貨泉字文為白水真人之類皆有效驗

易易也言變易也

畢沅曰鄭康成易贊曰易之為名也一言而含三義易簡一也變易二也不易三也此止

言變易其義未備

禮體也得其事體也

畢沅曰已見釋言語篇葉德炯曰此禮經之禮與前言語篇同訓異實漢書藝文志

禮古經五十六卷經七十篇即此禮記疏引鄭元禮序云禮者體也與此義合明此是釋六經之禮蘇輿曰節覽學部四引作言得事之體也初學記引同御覽又引春秋說題辭云禮者體也人情有哀樂五行有興滅故立鄉飲之禮始終之哀婚姻之宜朝聘之表尊卑有序上下有體

是以禮經之禮為體其說已舊

儀畢沅曰此威儀字古但作義詳見釋言語篇

宜也得事宜也

畢沅曰此謂今所傳十七篇之儀禮也

傳傳也以傳示後人也

葉德炯曰此禮傳之傳漢書藝文志有周官傳四篇隋書經籍志有馬融注喪

服經傳鄭元注喪服經傳皆此傳也漢儒最重師傳漢書藝文志後漢儒林傳序述六經傳授最詳故云傳示後人此傳不該

左氏公穀者以後述春秋不及三家故也

記紀也紀識之也

葉德炯曰此禮記之記與前言諸篇紀記也

十九篇號曰橋君學此禮序正義引鄭元六藝論之戴聖傳禮四十九篇也漢書藝文志記百三十一篇下班自注七十子後

學者所記也此成國所本

詩之也志之所之也

畢沅曰詩敘云詩者志之所之也在心為志發言為詩

興物而作謂

之興敷布其義謂之賦

畢沅曰案北堂書鈔藝文類聚御覽引此句上有賦敷也三字句法不與上下

文相類彼自就文士之賦言此處可不增

事類相似謂之比言王政事謂之雅

畢沅曰詩

敘云雅者正也言王政之所由廢興也政有小大故有小雅焉有大雅焉雅本作正說見言語篇

稱頌成功謂

之頌

畢沅曰詩敘云頌者美盛德之形容以其成功告於神明者也

隨作者之志而別名之也

畢沅曰詩敘云詩有六義焉

一曰風二曰賦三曰比四曰興五曰雅六曰頌此不言風六義闕其一蓋有脫逸矣周禮大師云

教六詩曰風曰賦曰比曰興曰雅曰頌鄭注風言賢聖治道之遺化也賦之言鋪直鋪陳今之政教善惡比見今之失不敢斥

言取比類以言之興見今之美嫌於媚諛取善事以論勸之雅正也言今之正者以爲後世法頌之言誦也容也誦今之德廣

以美之此說詩之六義頗詳備

尚書尚上也

畢沅曰鄭康成書贊云尚者上也

以堯爲上始而書其時事也

畢沅

曰堯典敘云昔在帝堯鄭注書以堯爲始獨云昔在使若無先之典然也王啟原曰書正義引尚書璣璣鈴云尚書篇題號尚者上也此鄭書贊所本蘇輿曰春秋說題辭亦云尚者上也上世帝王之書也又論衡須頌篇或說尚書曰尚者上也上所爲

下所書也下者誰也
曰臣子也諠微別

春秋言春秋冬夏終而成歲舉春秋則冬夏可知也

畢沅曰今本脫言字

及舉以下九字據初學記御覽引補

春秋書人專卒歲而究備春秋溫涼中象政

和也故舉以爲名也

葉德炯曰春秋大題疏引賈逵序云取法陰陽之中春爲陽中萬物以生秋爲陰中

萬物以成欲使人君動作不失中也

國語記諸國君臣相與言語謀議之得失也又曰外傳

畢沅曰說文引

國語文雖稱春秋國語以國語爲春秋外傳故也王啟原曰說文及風俗通並稱春秋國語至釋名則言又曰外傳蓋漢時二名並稱隋志春秋外傳國語二十卷賈逵注是外傳之名已舊不得以漢志無外傳之名而疑之惟其爲春秋外傳故蜀志陳震傳震卽以國語爲春秋也蘇輿曰漢書律歷志引國語少昊之衰九黎亂德等語稱春秋外傳此舊以國語爲外傳之證又論衡云國語左氏之外傳也內傳詞語有詳亦有略故復選錄國語之辭以補之春秋以魯爲內以諸國爲外外國所傳之事也

畢沅曰公羊成十五年傳春秋內其國而外諸夏案以此言春秋可也外

傳亦有魯語則此語為不可通章昭云其文不主於經故謂之外傳斯言得之

爾雅爾昵也昵近也雅義也義正也

畢沅曰義音近候故與雅為聲之轉五方之

言不同皆以近正為主也

葉德炯曰爾雅者近古也雅本義古正二義白虎通禮樂雅者古正也禮

記樂記吾端冕而聽古樂注云古樂先王之正樂也此正樂即雅樂之譌說文古故也从十口識前言也此云雅義即是雅故以義與誼同誼為詁訓字故也大戴禮不命爾雅以觀於古漢書藝文志讀應爾雅故解古今語而可知也王充論衡是應篇爾雅之書五經之訓故曰觀於古曰解古今語曰訓故皆取近古之義又史記高帝紀雅不欲屬沛公集解引服虔云雅故也張耳陳餘傳張耳雅游索隱引鄭氏曰雅故也此雖非釋雅訓足為雅有古義之證下云五方之言不同皆以近正為主謂五方言語變遷必以古訓為主耳世儒不案本文義正之為誼古只以近正訓爾雅不知不近古何以近正此理易明不煩申說也爾雅近古如弟一篇釋詁始君大三字出於詩書故訓者為多則其近古可知矣

論語記孔子與諸弟子所語之言也

畢沅曰記一才作紀葉德炯曰漢書藝文志云論語

者孔子應答弟子時人及弟子相與言而撈聞於夫子之語也當時弟子各有所記夫子既卒門人相與輯而論纂故謂之論

法逼也

畢沅曰逼乃說文新附字以音義求之似應作弼下文言逼正亦不如弼正之言為安但御覽已引作逼如孟

子言聖而之善亦不以文害辭姑仍之

人莫不欲從其志

畢沅曰今本脫人字據御覽引增

逼正

使有所限也

葉德炯曰漢書藝文志法家者流蓋出於理官信賞必罰以輔禮制易曰先王以明罰飭法此其所以

長也按此即弼教明刑之義畢謂偏字應作弼字似為得之

律累也累人心使不得放肆也

畢沅曰御覽引作律纂也纂人

字一切經音義引累作縲又人心上有四字案囚乃罔字之譌類篇纂魯水切法也一曰法可以纂罔人心李舟說或作纂葉德炯曰唐六典注李悝集諸國刑書造法經六篇一盜法二賊法三囚法四捕法五雜法六具法商鞅傳之改法為律是律名始於戰國時矣漢律名有上計律見周禮典路注有尉律見說文敘有田律見周禮士師注有耐金律見丁字漢儀又禮記內則注引漢律會稽獻穀說文引會稽獻鮪醬及齊人予妻婢姦日姘見姘變不得侍祠之類不知屬何律名至何休公羊注時以漢律况經以春秋為正人心之書故比例尤為切近也

令領也理領之使不得相犯也

畢沅曰本或脫得字宋臨安陳道人本有葉德炯曰漢令有甲

令見宣帝紀蕭望之傳後漢歷志有乙令見張釋之傳注江充傳注有丙令見文章帝紀此三章之總目也其名則有秩祿令見

史記呂后紀注文帝紀注有宮衛令見張釋之傳注有金布令見後漢禮儀志注有品令見百官志注有祠令見文帝紀注有

祀令見後漢祭祀志注有功令見儒林傳序有廷尉挈令見張湯傳有光祿挈令見燕王旦傳注有樂浪挈令見說文有田令

見後漢書黃香傳有水令見前漢兒寬傳此律中之細目也其令文有諸侯在國名田他縣罰金二兩見哀紀注文子犯罪作

如徒六月遣歸見平帝紀注蹕先至而犯者罰金四兩見張釋之傳注此即理領使不相犯之意也

科課也課其不如法者罪責之也

葉德炯曰科程品也說文科程也程品也漢書藝文志太

史試學童能誦書九千字以上乃得爲吏又以六體試之課最者以爲尙書御史史書令吏民上書字或不正輒舉劾說文

敘云尉律學僮十七已上始試誦籀書九千字乃得爲吏又以八體試之郡移太史并課最者爲尙書史書或不正輒舉劾之

此漢課試之法之可攷者此云不如法者罪責之即舉劾也

詔書詔照也

畢沅曰說文元書無詔字徐鼎臣增益十九字乃有之但倉頡篇有幼子承詔之文見於說文敘又

秦刻石嶧山文云臣請具刻詔書則古實有詔字可用也成容
鏡曰蔡邕獨斷制詔猶告也告教也三代無其文秦漢有也
東觀漢記第五倫每見光武詔書常歎曰此聖主也後漢書光
武紀注引漢制度曰帝之下書有四三曰詔書詔書者詔告也
其文曰告某官云如故事文心雕龍漢初定儀則四
品三曰詔書蘇輿曰御覽文部九引無詔書二字
人暗不見
事宜則有所犯以此照示之使昭然知所由也
畢沅曰今本照
也作昭也又脫

照示之之照據北堂書鈔
一切經音義御覽引改增

論倫也有倫理也

畢沅曰倫說文倫部作倫云倫理也葉德炯
曰此篇讚敘銘與前言語篇重見而義各別

言語篇釋其名此篇則釋其實如前禮儀傳記四字例此論如
恒寬鹽鐵論王充潛夫論桓譚新論之論古人著書皆有體例
故云有
倫理

稱人之美曰讚

畢沅曰贊字古不
從言後人加之

讚集也集集其美而敘之也

畢沅曰纂當爲纂葉德炯曰此如前後漢書紀傳贊曰之
贊故云纂集其美而敘之讚纂同聲說文贊讀若纂也

敘杼也杼泄其實宜見之也

畢沅曰班固兩都賦敘云或以杼
下情而通諷諭郭注方言杼音杼

業字皆从木說文从手泄今本作洩唐人避諱後所改葉德炯曰太史公史記後有自序班固漢書有敘傳皆捫其書之實也

銘名也

畢沅曰已見釋言語篇

述其功美使可稱名也

畢沅曰禮記祭統曰銘之義稱美而

不稱惡葉德炯曰此如碑銘墓志銘之銘故欠於誄諡之前與前言語篇之銘微別蘇與曰御覽文部六引無使字

誄累也累列其事而稱之也

畢沅曰說文誄諡也下別言諡則此誄當爲諡說文諡禱也累功德

以求福論語云諡曰禱爾于上下神祇从言畠聲是爲累列其事而稱之也今論語亦作誄後人通用無別矣蘇與曰文心雕龍亦云誄者累也累其功德旌之不朽也其義本此

諡曳也物在後爲曳言名之於人亦然也

畢沅曰御覽五百大十二卷此下有云古

者諸侯堯天子論行以賜諡惟王者無上故於南郊稱天以諡之當春秋時周室卑微臣子諡其君父故諸侯之諡多不以實也共五十字案劉珍後漢人亦有釋名韋昭有辨釋名御覽所引問亦脫辨字故難即據以補此今說文諡作諡案五經文字出諡諡二字俱常利反上說文下字林字林以諡爲笑聲音呼益反今用上字據此則本無從兮從皿者今說文有之乃徐鉉

等所改也益與示聲亦相近今人以諱諡字從益者為譌失之不攷

譜畢沅曰說文無譜字蓋古止用表也古讀表音如補漢書敘

傳表與舉叶成蓉鏡曰畢說非也史通表歷篇云蓋譜之建

名起於周代表之所作因譜象形故桓君山有云太史公三代

世表旁行斜上竝效周譜則譜在表前至說文無譜字當是通

用普北堂書鈔七十三引韋昭辨釋名主簿布也布列見其事

者主諸簿書簿普也關音諸事也是其證也畢沅曰今本亦曰緒

也亦曰緒也主緒人世類相繼如統緒也也譌作統緒也又誤

提行起竝改正先謙曰吳校主下緒作敘如作知

碑被也此本葬時所設也施鹿盧以繩被其上引以下棺也

曰禮喪大記云凡封用紼去碑負引鄭注云封周禮作窆窆下

棺也凡柩車及塋說載除飾而屬紼於柩之緘又樹碑於塋之

前後以紼繞碑間之鹿盧觀棺而下之此時棺下窆使觀者皆

繫紼而繞要負引紼縱之備失脫也用紼去碑者謂綴下之時

也今本葬誤作葬又於上加王字謬甚又下作施其轆轤以繩

被其上以引棺也俱據廣韻御覽類篇集韻引刪改皮錫瑞曰

禮檀弓公室視豐碑注豐碑斲大木為之形如石碑於柩前後

四角樹穿中於間為鹿盧下棺以紼繞天子六紼四碑前後各

重鹿也臣子追述君父之功美以書其上後人因爲無故建於道

陌之頭

畢沅曰無故卽物故一本到作放無誤也北堂書鈔引作乃字此必校書者疑無故二字爲誤妄改之耳陌字

古止作百蘇輿曰後人因爲焉無字

文部九作後人因爲焉無字顯見之處名其文就謂之碑

也

蘇輿曰御覽無顯見之處四字文下無就字

詞嗣也令撰善言相續嗣也

畢沅曰撰說文作譔蘇輿曰漢世賦銘之類敘終輒綴以詞如班孟

堅封燕然山銘及兩都賦敘末並稱其詞曰是其例也蓋本義在前復演其詞以嗣前指正此云撰善言相續嗣之誼碑志銘

辭紀傳論贊亦詞之支流矣

釋名疏證補卷第六

釋名疏證補卷第七

長沙王先謙撰集

釋用器第二十一

釋樂器第二十二

釋兵第二十三

釋車第二十四

釋船第二十五

釋用器第二十一

斧甫也甫始也凡將制器始用斧伐木已乃制之也

畢沅曰毛詩破斧傳

隋登曰斧蘇輿曰御覽器物入引始用作始以士冠禮記鄭注甫今文作斧斧甫字通

鐮王先慎曰說文作鎌廉也體廉薄也其所刈稍稍取之又似

廉者也葉德炯曰方言刈鉤謂之鎌按說文兼并也从又持秣兼持二禾秉持一禾是鎌从兼从廉皆與稍稍取之義

近

斨戕也所伐皆戕毀也

畢沅曰說文斨方登斧也然則斨斨同類唯登稍異登受柄之穿也

仇予仇讐也所伐則平如討仇讎也

畢沅曰當併入釋兵篇此雜出誤成暮鏡曰案詩小

戎公子瑩錡毛傳公子三隅矛也說文作召矛此作仇矛者公仇通用戰國策公以高誘注或作仇酋呂覽注同史記作仇猶韓非長短經作仇由皆其證成國於釋用器云仇讎也所伐則平如討仇讎也於釋兵云言可以討仇敵之矛也並望文生義之失

錐利也

王先慎曰說文錐銳也廣雅銳利也

椎推也

葉德炯曰考工記玉人注終葵椎也為推於其杵上明無所屈也

鑿有所穿鑿也

葉德炯曰說文鑿穿木也

鑄鑄也有所鑄入也

王先慎曰說文鑄穿木鑄也本書矛下頭

刃進矛戟者前其鍔注云銳底曰鑄平底曰鍔底銳故能穿入

耒耒也亦推也

畢沅曰今本作耒亦推也以承耒推也之下御覽引作耒耒也據改且區別別為一條與耜相

比近其亦推也三字亦富有攷工記車人為耒耒長尺有一寸直底則利推句底則利發發謂把土來推謂推土前進也

耜 畢沅曰說文作耜云耜也从木曰聲葉德炯曰易繫辭斷木

為耜釋文引京房注耜耒下耜也又引虞注耜止所踰因名

曰耜考工記匠人耜廣五寸注今之耜岐頭兩金象古之耜也

持諸說所云則耒之有齒者也漢武梁祠石室畫像前第一石

題字神農氏因宜教田辟土種穀其圖神農手持之器也

柄曲而下耑頭岐而二則此耜也今南人始耕時用之

齒也沅曰今本作似也 似齒斷物也 畢沅曰今本齒下有之字御

據御覽引改 聲今本發土上有則字衍也據齊民

犁利也利發土絕草根也 畢沅曰犁說文作犂云耕也从牛黎

要術引刪 檀坦也摩之使坦然平也 畢沅曰坦本或譌作坦據御覽引改

器據云摩之使坦然 植之為器未詳其用案說文耨摩田

平竊疑耨即耨也 史記齊悼惠王世家朱虛侯劉章耕田

鋤助也去穢助苗長也 畢沅曰說文鋤立耨所用也从金且聲

歌曰深耕耨種立苗欲 齊人謂其柄曰耨耨然正直也 畢沅曰

疏非其種者鋤而去之 日本書釋姿容僵正直直耨然也字正作耨管子輕重已篇銘銘

枋也从木耨聲一曰鋤柄名案耨然當作耨然不必从木蘇與

日本書釋姿容僵正直直耨然也字正作耨管子輕重已篇銘銘

日本書釋姿容僵正直直耨然也字正作耨管子輕重已篇銘銘

又樞璽鐵論論勇篇鉏耨棘樞並謂此也御覽引
通俗文鑿柄曰棧棧樞同物廣雅釋器樞柄也
頭也畢沅曰今世亦謂鋤頭曰鶴頭曰鶴似鶴
引釋名鎡基大鋤也五字應在此條下畢附錄中亦未采

枷加也加杖於柄頭以搗穗而出其穀也畢沅曰說文枷拂也又云拂擊禾連枷也

或曰羅枷三杖而用之也畢沅曰未詳御覽引作三丈五用之丈即杖之誤五疑是互蘇輿曰漢書

王莽傳顏注拂所以擊治禾者或曰了了以杖轉於頭畢沅曰
也今謂之連枷連羅一聲之轉畢沅曰
謂作了案了了正言用時柄頭旋轉之形當作了了為是又今
本無以字御覽引作或曰以杖轉於頭無了了二字案俱當有
今據增改葉德炯曰世說新語小時了了是了了古有此語但
此作了了則非也此當作以或曰了為句了以杖轉於頭為
句了字說文所無本字作柄木部柄木也是也古了又字本作
柄杈文選魯靈光賦枝穿柄杈而斜據即此了字枷加羅了皆
取疊均柄與羅皆象枷中枝格之故以名之也

鋪畢沅曰當作雷加金旁別也葉德炯曰武梁祠石室畫象弟
一石夏禹長於地脈泉理題字圖繪禹持之器似神農手持

之耜柄直而頭平頭亦兩岐即此鍤也耜爲耒田之用故頭耜起鍤爲插地之用故頭宜平說文耒下从木乃會意上从以是象岐頭插也插地起土也或曰銷銷削也畢沅曰御覽引無能

有所穿削也或曰鍤

畢沅曰鍤說文作耒云兩刃耒也或作針从金于案方言

云宋魏之間謂之鍤江淮南楚之間謂之耒

鍤剗也剗地爲坎也

蘇輿曰曲禮爲國君剗瓜者華之鄭

注華中裂之也華鍤同聲字其義相通淮南精神訓高注耒鍤也齊俗訓云故伊尹之興土功也脩脚者使之馳鑿強脊者使之負土高注長脚者以跣插入深也御覽器

物九引鑿作鍤跣插入深亦剗地爲坎之事

其板曰葉象木

杷播也所以播除物也

畢沅曰杷各本手旁作誤今改正葉德炯曰方言五杷宋魏之間謂之渠挈或

謂之渠疏按渠挈渠疏皆杷之合聲說文杷收麥器也

梯撥也撥使聚也

畢沅曰梯即柳也各本亦誤从手今據說文

聚自當與農器爲類不徒釋拂之名誼而已蘇輿曰上已釋柳不應別出梯此當屬杷爲義文有脫誤吳本無梯字作亦言撥

也連上爲一條似是急就篇錯穫秉把插捌把顏注捌把皆所以推別聚禾穀也把把同義又漢書貢禹傳梓少把土顏注把手拊之也音蒲巴反拊亦聚也是

把有撥聚之義明矣把撥雙聲

耨似鋤嫗耨禾也畢沅曰今本作耨以鋤耨禾一切經音義兩引一引作以鋤耨耨

禾一引作似鉏耨耨禾齊民要術引作似鋤以耨禾據左氏僖卅三年正義引作耨鋤嫗耨禾也亦有嫗字蓋以耨去耨不容減裂懼其傷禾也嫗有愛護苗根之誼諸本以義稍僻遂妄改之或徑刪去皆非是今參酌諸書從其善者說文木部云耨耨器也耨部云耨拔田耨也蘇輿曰通鑑外紀御覽七十八藝文類聚十一竝引周書云神農之時天雨粟神農耕而種之作陶冶斤斧破木爲耨耨以墾草莽則耨耨之屬蓋始於神農時矣世本又云垂作耨

鋪亦鋤田器也

畢沅曰鋪本皆作鋪非毛詩臣工序乃錢鋪傳鋪鋪鋪耨同字或从金王啟原曰呂本作鋪亦

鋪類

鋪迫也迫地去草也

畢沅曰今本脫此五字據御覽引補

溝

畢沅曰溝俗字齊民要術从耨耨字玉篇云耨也

溝也既割去壘上草又辟其土

以壅苗根使壘下爲溝受水潦也

鍤殺也言殺草也

畢沅曰說文鍤兩刃有木柄可以刈艸从金發聲讀若撥案發聲近殺可以刈艸正合殺

草之言今本作金旁世徧檢字書皆無有故改作鍤葉德炯曰

鍤卽鈇字也世大古字通左文十三年世室屋壞公羊作大室

襄二十九年衛太叔儀十四年又作世叔禮曲禮不敢與世子

同名注世或爲太此世大相通之證說文鈇鐵鉗也鉗以鐵有

所劫束也二字蒙田器諸字是殺草亦用鉗矣殺當讀如

惟裳必殺之殺與鈇疊均成國不必盡依六書畢改非是

銍穫禾鐵也

畢沅曰今本禾作黍據書禹貢正義詩臣工正義御覽引改下同說文銍穫禾短鎌也孫詒讓曰案

急就篇顏注云銍刈黍短鎌銍銍斷禾穗聲也

畢沅曰夏耜詩云穫之捭捭毛

似本此書疑所見本亦作黍

傳捭捭穫聲也說文捭穫禾聲也从手至聲詩曰穫之捭捭銍

與捭音同字通初學記引禾穗作禾稷今不從蘇輿曰管子輕

重乙篇一農之事必有一耜一鍤一鎌一鋤一椎一

銍然後成爲農廣雅釋器銍謂之刈刈亦割斷之名

斤畢沅曰今本斤从金旁作鉞別也一切經音義引作斤據改

斤下竝同蘇輿曰此當作斤畢改是但以鉞爲別字而并改下

文則非說文斤斫木斧也鉞割斷也其誼本別下用此鉞之及

鉞有高下之跡竝是割斷之義作斤則不可通今本此斤字作

鉞乃緣下鉞字而誤御覽器物九引謹也板廣不可得削

畢沅曰今

本削上有制字據一又有節則用此斤之所以詳謹令平滅斧

跡也

斲

畢沅曰此當止作斯加金旁俗字也下二字同葉德炯曰集韻斲相支切音斯平木器玉篇卽以爲斲字云息容切平木

器

蓋正本作斯後轉寫加金作斲又通作斲耳說文斯析也斲

从斤其聲此爲平木之器亦取義於析斲彌蓋斯之合音

彌也先謙曰吳校斲斯也

斤有高下之跡

蘇輿曰御覽器物九引作斲有高下跡

以

此斲彌其上而平之也

王啟原曰按莊子至樂篇餘乾骨之沫爲斯彌釋文引李注斯彌蟲名又列子

天瑞篇斯彌爲食醢殷敬順釋文亦本李爲說韓非書田常同

時有隰斯彌蓋有二義一爲小蟲一爲離析之義然字皆作斯

彌無金旁

斲倨也其體直所截應倨句之平也畢沅曰平御覽引作正蘇

記治氏已倨則不入已句則不決鄭注已倨謂胡微直而邪多也已句謂胡曲多也應倨句之平猶言應曲直之平

斲畢沅曰今本作斲案說文斲斲也此當从斤爲是改之

誅也主以誅鉏根株也

畢沅曰

作除物二字御覽引亦同據齊民要術引改

釋樂器第二十二

鍾空也內空受氣多故聲大也

畢沅曰內空文選注引同初學記御覽引作空內

磬磬也其聲磬磬然堅緻也

畢沅曰禮記樂記曰石磬磬論語憲問篇子擊磬於衛荷蕢曰鄙哉

磬磬乎磬古文磬字蘇輿曰白虎通磬者夷則之氣也象萬物之成也其聲磬樂記注磬當爲磬史記樂書引樂記磬作磬是

磬磬二字並同論語子路憲問兩言磬磬並用爲堅磬之義與此云堅緻合說文磬器中空也又一義

鼓郭也張皮以冒之其中空也

畢沅曰說文鼓郭也春分之音萬物郭皮甲而出故謂之鼓此

申說郭義尤精確吳胡寅曰吳校郭作廓空下有廓字案說文無廓字皆借郭釋宮室云郭廓也是本書作郭矣

鞀導也所以導樂作也

畢沅曰鞀月令正義引作鞀

鼗裨也裨助鼓節也

畢沅曰說文鼗騎鼓也从鼓卑聲

鼗在前曰朔朔始也在

後曰應應大鼓也

畢沅曰周禮小師下管擊應鼓鄭注應鼗也應與鞀及朔皆小鼓也

所以懸鐘鼓者

畢沅曰今本脫鐘字據北堂書鈔藝文類聚御覽引增

橫曰筍

畢沅曰今本作翼說

文所無據攷工記梓人爲筍虞定作筍

筍峻也在上高峻也從曰虞

畢沅曰從初學記引作植

說文虞鐘鼓之柎也餘爲猛獸从虎異象其下足

虞舉也在旁舉筍也

畢沅曰鄭注周禮典庸器引杜

子春云筍讀爲博選之選橫者爲筍從者爲鐻案說文虞字重文作鐻鄭又注攷工梓人云樂器所縣橫曰筍從曰虞鄭司農

云筍讀爲

筍上之板曰業刻爲牙捷業如鋸齒也

畢沅曰說文業大版也所

以飾縣鐘鼓捷業如鋸齒以白畫之象其鋸鋸相承也从𦍋从巾巾象版詩曰巨業維樅案巨假借字也毛詩作虞傳曰植者

曰虞橫者曰筍業大版也樅崇牙也

瑟施弦張之瑟瑟然也

葉德炯曰說文瑟庖犧所作弦樂也白虎通禮樂瑟音也閑也所以懲忿窒欲

正人之德也

箏施弦高急箏箏然也

葉德炯曰說文箏鼓弦竹聲樂器也卽此楚辭愍命挾人箏而彈緯注小琴也

此別一物箏箏然猶錚錚然後漢書劉盆子傳光武曰卿所謂鐵中錚錚者說文錚金聲也金西方之聲故高急也

筑以竹鼓之玳秘之也

畢沅曰說文筑以竹曲五弦之樂也从竹取取持之也竹亦聲北堂書鈔御覽

引皆無玳秘之三字誤脫也今本取亦作筑誤御覽引有玳爭細項四字文不類各本皆無

篳篥師延所作靡靡之樂也

畢沅曰今本師延上衍此字據北堂書鈔廣韻初學記急就篇注引

刪蘇輿曰杜氏通典云篳篥古施郊廟雅樂近代專用於楚聲或謂師延靡靡樂非也說與此異

後出於桑間

濮上之地蓋空國之侯所存也

畢沅曰存初學記引作好段安節樂府雜錄云以其亡國之聲

故號空國之侯成春鏡曰通鑑漢紀三十六胡三省注引世本作篇云空侯空國侯所造

師涓為晉平公鼓

焉鄭衛分其地而有之遂號鄭衛之音謂之淫樂也

畢沅曰禮記樂記曰

鄭衛之音亂世之音也比於慢矣桑間濮上之音亡國之音也鄭注濮水之上地有桑間者亡國之音於此之水出也昔殷紂使師延作靡靡之樂已而自沈於濮水後師涓過焉夜聞而寫之為晉平公鼓之是之謂也案此注唯言鼓之不言所鼓之器史記樂書載此事尤詳言衛靈公舍其地夜半聞鼓琴聲召師涓寫之既至晉見平公及置酒令師涓坐師曠之旁援琴鼓之未終師曠止之據此言鼓琴非空侯也成國以空侯為師延所作未知何本又案風俗通空侯亦名坎侯漢書孝武皇帝塞南

粵祠太一后土始用樂人侯調依琴作坎坎之樂言其坎坎應節奏也侯以姓冠章爾或說空侯取其空中據此則空侯非師延所作成國誤矣

枇杷 畢沅曰說文琴部新附有琵琶二

也 蘇輿曰御覽樂部二十一引傅玄琵琶賦序云聞之故老云漢遣烏孫公主念其行道思慕使工知音者載琴箏筑篳篥

之屬作馬上之樂觀其器盤圓柄直陰陽敘也四絃法四時也以方語目之故曰琵琶取易傳於外國也杜摯以為羸秦之末

蓋苦長城之役百姓弦鼗而鼓之二者各有所據以意斷之烏孫近焉又引樂府雜錄云琵琶始自烏孫公主造馬上彈之據

此云本出於胡中馬上所鼓則亦與烏孫說合蔡 **推手前曰枇**

引手卻曰杷 蘇輿曰歐陽修明妃曲推 **象其鼓時** 畢沅曰象廣

學記引 **因以為名也** 畢沅曰風俗通琵琶近世樂家所作不知

無此句 **天地人五行** 四弦象四時

塤 畢沅曰說文作塤云樂器也以土 **喧也聲濁喧喧然也** 蘇輿

為之六孔從土熏聲今作塤俗 曰御

覽樂部十九引樂書亦云噓者噓也爾雅大翼謂之噓噓同
義白虎通噓之爲言噓也陽氣於黃泉之下熏蒸而萌義稍別
噓暗取雙聲噓噓重取疊韻小
和注壘燒土爲之大如雁卵

箴噓也聲從孔出如嬰兒噓聲也

葉德州曰釋樂大箴謂之沂

注大箴其聲悲沂鐸然也釋文引李巡孫炎
曰箴聲悲沂悲也此云小兒啼聲卽悲聲也

簫肅也其聲肅肅然清也

畢沅曰然今本作而據文選洞簫賦
注引改葉德炯曰北堂書鈔樂部十

亦引作肅肅而清古而然字通蘇輿曰白虎通簫者中呂之氣
也萬物生於無聲見於無形義也肅也又公羊疏引宋均云簫

肅之言

笙生也

畢沅曰說文笙正月之音物生故謂之笙蘇輿曰白虎
通笙者大簇之氣象萬物之生風俗通聲音亦云世本

隨作笙長四寸十三簧象鳳之笙竹之貫匏象物貫地而生也

畢沅

曰今本竹之貫匏在而生也之下據誼易置之藝文類聚初學
記匏匏引皆無竹之貫匏句蘇輿曰白虎通匏之爲言施也牙

也在十二月萬
物始施而牙

以匏爲之故曰匏也竿亦是也其中汙空以受

簣也

畢沅曰說文簣十三簣字三十六簣吳翊寅曰吳校其簣中上補字汗也三字案汗謂窪也見釋丘其上汗下

橫也於管頭橫施於中也以竹鐵作

畢沅曰風俗通案世本女媧作簣

於口橫

鼓之亦是也

搏拊

畢沅曰今本下有也字衍今刪

以韋盛糠形如鼓以手拊拍之也

畢沅曰鄭注尚

書皋陶謨云搏拊以韋爲之裝之以糠形如小鼓所以節樂又注周禮大師云拊形如鼓以韋爲之著之以糠

祝敵祝狀如柰桶敵狀如伏虎

畢沅曰今本作祝狀如伏虎是有脫誤也尚書皋陶謨合止祝

敵鄭注合樂用祝祝狀如漆桶中有椎合之者投椎其中而撞之所以節樂敵狀如伏虎背有刻以物櫟之所以止樂今據以

補正此文祝如物始見祝祝然也

畢沅曰今本作祝如見祝祝然也

也故訓祝爲始以作樂也

畢沅曰今本無祝始也及祝字據北堂書鈔引補案韋昭注國語亦云祝

始也吳翊寅曰依禮記云祝祝也祝始也祝與敵對文敵用轉訓祝當與同例

敵衙也衙止也所以止

樂也

王啟原曰說文衙行兒从行吾聲續漢書百官志執金吾本注吾猶樂也用禮田僕設驅逆之車注驅樂禽使前趨

獲逆衡還之使不出國釋文衡本又作御同五稼反是衡白有
禦義故得爲止葉德炯曰白虎通禮樂祝敬者終始之聲萬物
之所生也祝
始也故止也

春牘

畢沅曰今本脫此
二字據下義增

春撞也牘築也以春築地爲節也

畢沅
曰周

禮笙師云春牘應雅以教祝樂鄭康成云牘應雅教其春者謂
以築地實醉而出奏祝夏以此三器築地爲之行節明不失禮

鄭司農云春牘以竹大五六寸長七尺短者一二尺其端
有兩空栗畫以兩手築地先謙曰吳校以春之春作撞

衛畢沅曰說文不从竹云龠樂之竹管三孔以蘇尿聲也
躍也从品龠龠理也其从竹者說文以爲書僮竹管非樂器躍也

氣躍出也

簫篠也其聲篠篠然也

畢沅曰說文笛七孔簫也周禮有簫字
王篇篠同笛風俗通笛者篠也所以篠

篠邪穢內之於雅正也長二尺四寸
七孔其後又有羌笛說文羌笛三孔

鐃聲鐃鐃也

畢沅曰御覽引此下有宮縣用之飾以流蘇八字
周禮鼓人以金鐃止鼓鄭注鐃如鈴無舌有秉執

而鳴之以止擊鼓御覽引說文漢有鼓吹曲有鐃歌
孫貽讓曰案通典樂部四引作聲鐃鐃也是當據正

人聲曰歌歌柯也所歌之言是其質也以聲吟詠有上下

畢沅曰禮

記樂記歌者上如抗下如隊

如草木之有柯葉也故充冀言歌聲如柯也

德葉

焘曰古音歌在見紐柯在溪紐同爲牙音而有全清次清之別故成國分別言之禮記樂記故歌之爲言也長言之也此歌之

正音讀柯則短言矣北音高燥故充冀讀歌如柯成國青州人亦取其與鄉音之近者爲訓也

竹曰吹

畢沅曰本作簫今省作吹蘇輿曰文選邱希範侍宴樂遊苑詩注引月令章句云吹者所以通氣也管簫竿笙

塤篪皆以吹鳴者也吹推也以氣推發其聲也

吟嚴也其聲本出於憂愁

畢沅曰憂本作慙今通作憂

故其聲嚴肅使人聽

之悽歎也

葉德焘曰此吟歎之吟非吟咏之吟郭茂倩樂府二十九引古今樂錄曰張永元嘉枝錄有吟歎四曲一

曰大雅吟二曰王明君三曰楚妃歎四曰王子喬大雅吟王明君楚妃歎並石崇辭王子喬古辭云云

釋兵第二十三

弓穹也張之穹隆然也

葉德焘曰老子天之道其猶張弓乎爾雅春爲蒼天正義李巡注云占時人質

仰視天形穹隆而高其色蒼蒼然故曰穹蒼其末曰簫言簫梢也

畢沅曰鄭注儀禮鄉射云簫弓末也

先謙曰言字

當在梢上

又謂之弭以骨爲之滑弭弭也

畢沅曰毛詩采芣象弭魚服傳象弭

弓反末也箋云弭弓反末彎者以象骨爲之以助御者解轡紛宜滑也

中央曰弣弣撫也人所撫

持也

畢沅曰中央人手所握處也弣字說文所無禮記曲禮上右手執簫左手承弣已作弣字今從之撫持各本皆到據

藝文類聚初學記引改正葉德炯曰弣卽拊也考工記弓人於挺臂中有拊焉故剡鄭注拊側骨按挺臂弓之正中正義所云

弓把處蓋人簫弣之間曰淵淵宛也言宛曲也

畢沅曰宛曲本皆作曲宛亦據

二書引改廣韻引作言曲宛然也攷工記夫角之中恆當弓之畏畏也者必撓故書畏作威杜子春云當爲威威謂弓淵角之

中央與淵相當鄭康成讀畏如秦師入隈之隈則畏亦言隈曲皮錫瑞曰考工記弓人長其畏而薄其敝宛之無已應注宛謂

引之也引之不休止常應弦言不罷需也儀禮大射儀公親揉之注揉宛之觀其安危也

弩怒也有執怒也

畢沅曰執式制反成蓉鏡曰案御覽三百四十八引太白陰經發弩圖篇曰弩者怒也言

其聲勢威獨如怒故以名其弩也

其柄曰臂似人臂也

畢沅曰說文弩弓有臂者也从弓奴聲周禮四

弩夾弩庚弩 鉤弦者曰牙似齒牙也牙外曰郭爲牙之規郭也

唐弩大弩 畢沅曰藝文類聚 下曰縣刀其形然也含括之口曰機 畢沅曰

引無之規二字 合名之曰機據藝文類聚引改蘇輿曰 言如機之巧也亦言如

御覽兵部七十九引亦作合名之曰機 門戶之樞機開闔有節也 畢沅曰禮記緇衣引逸書大甲曰若

弩牙也度謂所擬射也虞人之射禽弩以張 從機間視括與所射參相得乃後釋弦發矢

矢指也言其有所指向迅疾也 氏兵書曰矢一名信往按古字

信訊迅俱通信往 又謂之箭 畢沅曰說文箭 箭進也 畢沅曰今

當取迅往之義 也初學記同皆誤據 其本曰足矢形似木 畢沅曰初學記引

藝文類聚御覽引改 以下爲本 畢沅曰今本重一本字衍也 以根爲足也 畢沅曰成

傳云葵猶 又謂之鏑 畢沅曰說文鏑矢 鏑敵也言可以禦敵也

能衛其足 畢沅曰今本無言 齊人謂之鏃 畢沅曰說文鏃利也族矢鏃也

字據初學記引增 則此當作族然爾雅方言已皆

有鐵字賈誼書素無亡矢遺鏃之費康成注攷工記矢人云矢
鏃長三尺殺其前一尺以趣鏃也趙岐注孟子云叩輪去鏃此
明漢人皆作鏃也蓋以矢鏃有利誼得相

通且與宗族之字不混故不定從說文

鏃族也言其所中皆

族滅也

畢沅曰此段文有譌說文釭車轂中鐵也此書釋車亦云釭
空也其中空也不聞謂矢爲釭初學記引亦有此文唯曰作

謂之二字交刃作鉸刃則其來相傳已久昔人未嘗致疑然鉸
之與釭聲亦不協刪之又懼貽專輒之譏姑仍之以待後人之

能好學深思者竊以爲或是關西曰鉸鉸交也言有交刃也蓋
箭有三鏃四鏃者有鈎刃射人不能出者此交刃之謂與但無

明文可證耳孫詒讓曰案矢鏃不可爲交刃畢說究難通方言
說箭鏃胡台厥者有四鏃三鏃之制郭璞訓鏃爲棧則雖有多

棧亦止一刃不得云交刃也竊謂此矢鏃名釭當卽豐本而別
爲散以冒棄者與古矢鏃爲薄七不同此云釭鉸也鉸當爲散

之誤交刃初學記作鉸刃亦當爲散刃言刃之本爲散別於薄
匕之本爲鏃也散中空以納棄者車釭之含軸故謂之釭與釋

車釭空之義正同李林甫引其體曰幹言挺幹也畢沅曰鄭仲
官棄人云箭幹謂之棄說其旁曰羽畢沅曰攷工記矢人五分

文挺一枚也从木廷聲其長而羽其一謂五分棄

之長也。彙長三尺。羽者六寸。又云夾其比以設其羽。如鳥羽也。鳥須羽而飛。矢須羽而前。

也齊人曰衛畢沅曰矢人夾而擡之以照其豐殺之節也鄭注今人以指夾矢舞衛是也所以導衛

矢也其末曰栝畢沅曰說文栝字後一解云矢栝築弦處然則栝从木不从手本或作栝非栝會也

與弦會也

用組注古文𣎵皆爲括𣎵括
𣎵古字蓋通故𣎵亦訓會
𣎵旁曰又形似又也有又所以築

也弦

其受矢之器畢沅曰今本無矢字據初學記引增御覽引句上有箭筒二字與受矢之器辭近乎複今不從但據

所引分析之不承上文之下

以皮曰服

畢沅曰此當作箛說文箛弩矢箛也从竹服聲周禮司弓矢仲秋獻矢箛

亦作服采薇詩云象弭魚服毛
傳魚服魚皮也箋服矢服也
柔服之義也
畢沅曰今本作謂
柔服用之也據初

學記引改織竹曰竿相迫竿之名也畢沅曰說文竿迫也步又畢沅曰當云亦曰步又通俗文

箭箠謂之步又王啟原曰文選七發注服今之步又也晉書
記石虎破劉曜獲馬二百疋金銀步又弓韃三十具蘇輿曰步

箭箠謂之步又王啟原曰文選七發注服今之步又也晉書
記石虎破劉曜獲馬二百疋金銀步又弓韃三十具蘇輿曰步

箭箠謂之步又王啟原曰文選七發注服今之步又也晉書
記石虎破劉曜獲馬二百疋金銀步又弓韃三十具蘇輿曰步

又卽韃韃廣雅釋器韃韃矢藏也集韻引埤蒼
韃韃箭室也步韃一聲之轉韃卽又之俗體 人所帶以箭又

於其中也畢沅曰今本無此於字及馬上曰韃韃建也畢沅曰

所以戢弓矢從建聲禮記樂弓矢竝建立於其中也畢沅曰

記名之曰建囊鄭注建讀曰韃引句上有言字史記信陵君傳平原君負韃矢案說文簡所以

盛弩矢人所負也从竹關聲茲備舉盛矢器之名而不言簡豈
逸與

刀到也以斬伐到其所乃擊之也畢沅曰乃今本謬作其末曰

鋒言若鑿刺之毒利也畢沅曰鑿刺今本謬作鋒刺蓋俗謬作

宛鉅鐵鈍慘如其本曰環形似環也其室曰削韓也韓刀室也

削隋也其形隋殺喪刀體也畢沅曰今本隋俱室口之飾曰琫

畢沅曰說文琫佩刀上飾天琫捧也捧束口也畢沅曰琫俗字

子以玉諸侯以金从玉奉聲 琫捧也捧束口也本作奉方勇反

下末之飾曰琕琕卑也在下之言也畢沅曰說文琕作琕云佩

瞻彼洛矣傳也然篤公劉傳又云下曰韓上曰琇同出毛公而語有異毛詩名物疏據釋名以規小雅傳為誤陳氏長發則扶手傳以駁釋名戴氏震以公劉傳為是云有琇與有夷一創者言爽然琇然傳琇下飾當作琇下飾下數琇字皆當作琇說文所見已是誤本有釋名可以正之數說不同今案祇當各仍本文且詩釋文云韓字又作琇則此之琇與韓實一字又琇字从卑與卑下之誼正相比附故短刀曰拍髀帶時拍髀旁也又曰不依毛氏前一解作琇字

露拍言露見也

蘇輿曰御覽三百四十六載張協露陌刀銘曰露陌在服威靈遠振道養時晦曜德崇信又魏

文帝露陌刀銘曰於鏤夏刀胡練直時營諸鱗角雁所任茲不逢不若永世寶持即此物也陌拍同

佩刀在佩旁之刀也或曰容刀

畢沅曰公劉詩云何以舟之維玉及瑤琕琕容刀毛傳舟帶也

鄭箋民愛公劉之如是故進玉瑤容刀之佩

有刀形而無刃

蘇輿曰御覽兵部七十六有刀形作爲刀形

備儀容而已

畢沅曰儀容之容字本作頌說見前王先慎曰容刀刀室也刀有室乃可佩非佩刀之旁另有刀也

成國所釋殊誤

剪刀剪進也所剪稍進前也

畢沅曰今本剪作剪案一切經音義云鉸刀今亦謂之剪刀作剪字

與詩勿剪勿伐合從之成容鏡曰釋言
割剪齊也郭注南人呼剪刀爲割刀

書刀給書簡札有所刊削之刀也

畢沅曰攷工記築氏爲削長尺博寸合六而成規鄭注今

之書刀孫楷曰後漢劉盆子傳其中一人出刀筆書謁欲賀李
注古者記事書於簡冊謬誤者以刀削而除之漢書者義皆灼
曰舊時蜀郡工官作金馬書刀者
似佩刀形金錯其拊蓋其遺制

封刀鉸刀削刀

畢沅曰施本脫削刀二字各家本皆有然削刀即書刀已見上此似復出蘇輿曰御覽兵部七

十六引無

皆隨時用作名也

畢沅曰今本作皆隨時名之也據一切經音義引改王啟原曰鉸刀

本爲交刀世說爰綵於石下得剪刀主簿曰今得交刀當爲交
州剪交並言又初學記引東宮舊事太子納妃有龍頭金縷交
刀四亦作交刀剪刀兩刀相交故名交刀耳隨時用作名自無
妨重見畢前注既知鉸刀之爲剪刀通獨疑於削刀之複出何
也

戟格也旁有枝格也

畢沅曰說文戟有枝兵也从戈執聲讀若棘格說文作格云格枝格也从丰各聲王

啟原曰考工記戟廣寸有半注今三鋒戟也華嚴經音義引論
語圖戟形旁出兩刃故鄭云三鋒而說文亦云戟有枝兵也二

國志呂布傳布言諸君觀布射戟小支

戈句子戟也

畢沅曰子今本譌作牙據御覽引改鄭注周禮敘官司戈盾云戈今時句子戟又注考工記治氏云

戈今句子戟也或謂之雞鳴或謂之雞頭皮錫瑞曰方言九戟楚謂之矛凡戟而無刃秦晉之間謂之鈇或謂之鈇吳揚之間謂之戈東齊秦晉之間謂其大者曰鈇胡其曲者謂之鈇鈇與此句子戟同名胡葉德炯曰方言矛有小枝刃者謂之鈇鈇與此句子戟同名

戈過也所刺擣則決過所鈇引則制之弗得過也

蘇輿曰御覽兵部八十三

擣則作則擣鈇作句引下無則字王氏念孫廣雅疏證云謂所刺擣所鈇引皆決過也考工記注以戈爲句兵句戈一聲之轉猶鎌謂之鈇亦謂之划也

車戟曰常長丈六尺車上所持也八尺曰尋倍尋曰常故稱常

也

畢沅曰攷工記曰車戟常言車戟長二尋也常乃車戟之度非車戟之名也曰字似衍王啟原曰車戟常以長而名曰字

非衍以庸人文釋之自見詩無衣修我矛戟鄭箋亦云車戟常也鄭君非不知文義者

手戟手所持擣之戟也

畢沅曰戟已見於上此又區分車戟手戟近贊成蓉鏡曰畢說非也手戟別一

物魏志董卓以呂布自衛嘗失意拔手戟搥布吳志太史慈劉
繇使偵騎卒遇孫策刺慈馬而墜慈項上手戟御覽三百五十
二引張勃吳錄曰嚴白虎使弟與詣長沙桓王以手戟投之立
死又引張協手戟銘曰鏃鏃雄戟清金鍊鋼又引孫盛異同難
語曰太祖嘗私入中常侍張讓室讓覺之
乃舞手戟於庭前成國時有此物故釋之

矛冒也刃下冒矜也

畢沅曰說文矜矛柄也

下頭曰鐃

畢沅曰說文鐃秘下銅也鐃入

地也松櫝長三尺

畢沅曰三尺太短似誤御覽引作三丈益非攷工記曰凡兵無過三其身故夷矛三尋爲

長之極安有三丈之矛乎葉德炯曰御覽三丈蓋二丈之譌詩無衣修我矛戟毛傳矛長二丈說文矛酋矛也建於兵車長二丈明此三字其矜宜輕以松作之也櫝速櫝也

畢沅曰速櫝之誼未聞孫詒讓

曰案速櫝吳校本改作速獨與上文鞬鞞釋同是也彼爲足直前之言與此前刺之言義可兩通

前刺之言也

矛長丈八尺曰稍

畢沅曰說文無稍字案攷工記酋矛常有四尺夷矛三尋此丈八尺之矛則短矣蓋所謂

鈍矛說文鈍短矛也从金它聲

馬上所持言其稍稍便殺也

成落鏡曰一切經音義二引埤蒼曰

稍長一丈八尺藝文類聚六十引通俗文曰矛長丈八者謂之稍御覽引晉書曰劉道爲殷仲堪中兵參軍桓元於仲堪聽事

戲馬以稍擬仲堪邁曰馬稍有餘精理不足語林桓宣武與服劉談上馬持稍亦見御覽又引三國典略曰羊侃執稍上馬是稍爲馬上又曰激矛激截也可以激截敵陳之矛也蘇與曰王

所持也雅疏證云稍激皆長貌也爾雅釋木梢梢權郭注謂木無枝柯稍權長而殺者又無枝爲檄注云檄權直上廣雅釋詁二云檄長也檄與激稍與稍義竝相近

仇矛頭有三叉畢沅曰小戎詩云召矛盜錚毛傳召三隅矛也案召乃假借字當以仇爲正言可以

討仇敵之矛也

夷矛夷常也吳翊寅曰吳校剛夷常也案此三字當在不言常上不當刪其矜長丈六尺畢沅

曰攷工記夷矛三尋茲云其矜長丈六尺則其援與鐔統計有八尺與不言常而曰夷者言其可

夷滅敵亦車上所持也畢沅曰攷工記說車有六等之數不言夷矛則車上無夷矛也成晉鏡曰周禮

夏官司兵掌五兵司農云五兵者戈殳戟戣矛夷矛下文建車之五兵後鄭云車之五兵司農所云者是也步卒之五兵則無夷矛而有弓矢考工記廬人爲廬器戈秘六尺有六寸殳最尋有四尺車戟常酋矛常有四尺夷矛三尋下云六建既備車不

是丈有所撞挫於車上使殊離也

盾遜也跪其後

畢沅曰御覽引作跪其下

避刃以隱遜也

畢沅曰今本無刃字據北堂書鈔御

覽引增說文盾職也所以扞身蔽目象形尸聲先謙曰吳校以作似

大而平者曰吳魁本出於吳

為魁帥者所持也

蘇輿曰廣雅吳魁盾也御覽引吳魁作吳科王氏念孫疏證云楚辭九歌操吳戈兮被犀

甲王逸注或曰操吾科吾科盾之名也吾科與吳魁同科魁聲相近故後漢書謂科頭為魁頭又云吳者大也魁亦盾名也吳

魁猶言大盾不必出於吳亦不必為魁帥所持也方言吳大也吳語奉文犀之渠韋注渠楯也渠與魁一聲之轉故盾謂之渠

亦謂之魁帥謂之渠亦謂之魁隆者曰滇盾本出於蜀蜀滇所

持也

畢沅曰今本滇皆作須蜀字不重據御覽引增改蜀滇所持謂蜀滇人所

或曰羌盾言出於

羌也

成蓉鏡曰御覽三百五十七引張敞東宮舊事曰東列崇福門各羌楯十幅葉德炯曰吳魁滇盾蜀盾羌盾猶考工

記鄭刀未斤魯削吳越劍各以地著名也

約脅而鄒者曰陷虜

畢沅曰釋書契篇言鄒狹小之言也

可以陷破虜敵也今謂之曰露見是也狹而長者曰步盾步兵

所持與刀相配者也葉德州曰周禮地官旅賁氏執戈狹而短

者曰子盾車上所持者也蘇輿曰御覽子盾上有夾字子小稱也以縫編版

謂之木絡蘇輿曰御覽引縫作疑云音逢以犀皮作之曰犀盾

以木作之曰木盾皆因所用為名也成蓉鏡曰韓子趙簡子犀楯犀楯

彭排彭旁也畢沅曰易大有九四匪其彭釋文彭子夏作旁姚信云彭旁則彭旁聲相近在旁排敵

禦攻也成蓉鏡曰御覽三百五十七引諸葛亮軍令曰帳下及右陣各持彭排又引晉安帝紀劉裕大破孫恩於蒜山

恩以彭排自載僅得還船又三百五十四引宋元嘉起居注曰謝靈運自理表云彭排馬槍玉篇楠彭排也急就章注盾即今

旁排也後漢袁紹傳注

甲畢沅曰鄭注周禮敘官似物有孚甲以自禦也畢沅曰說文甲从木戴孚

甲之亦曰介畢沅曰禮記曲禮介者不拜周禮旅賁氏軍旅則介而趙鄭注介被甲亦曰函畢沅

工記曰燕無函鄭亦曰鎧畢沅曰說文鎧甲也蘇輿曰夏官序

仲師注函鎧也

金謂之鎧从金爲字也 皆堅重之名也 畢沅曰今本及御覽引皆作鎧猶

物乎甲以自禦也無亦曰介亦

日函六字據初學記引增改

劍檢也所以防檢非常也又斂也以其在身拱時斂在臂內也

畢沅曰今本脫斂也以三字據藝文類聚御覽

引增蘇輿曰御覽兵部七十三拱時作拱持 其旁鼻曰鐔鐔

尋也帶所貫尋也 畢沅曰說文鐔劍鼻也蘇輿曰莊子說劍篇

環也司馬云劍珥也程氏易疇通載錄云劍首者何戴於莖者

也首也者劍鼻也劍鼻謂之鐔鐔謂之珥或謂之環或謂之劍

口有孔曰口現其旁如耳然曰珥面之曰珥對末言 其末曰鋒

之曰首然則劍珥劍環劍首劍末劍鼻寔一義也

鋒末之言也 沅曰說文作

鐔 畢沅曰說 延也達也 吳翊寅曰吳校達也上有延 去此至

彼之言也 葉德炯曰方言矛吳楊江淮南楚五湖之間謂之鐔

或謂之鐔則鐔是矛異名後漢馬融傳飛鏃電激曰

飛鏃與矛

達礮之義相切

鈎鑲

葉德州曰御覽兵部入十五引東觀漢記詔令賜鄧遵金蚩尤辟兵鈎一卽此物

兩頭曰鈎中央

曰鑲或推鑲

孫詒讓曰案推鑲鑲當作據急就篇注云鑲亦刀劍之類其刀卻偃而外利所以推據而害人也卽

本或鈎引用之之宜也

畢沅曰第二之字似當作皆葉德州曰北堂書鈔武功部十二引亦作用之之

宜也是唐人所見本如此不必爲皆之誤

九旗之名日月爲常畫日月於其端天子所建言常明也

畢沅曰周

禮司常日月爲常又云王建大常鄭注王畫日月象天明也葉

德炯曰九旗與釋天旌旂文略有異同釋名依司常是周制爾

雅太常用練旒是殷制經典說練皆純素之稱郭注依違釋練

爲釋蓋誤以太常爲周制也惟自太常以下仍是周制其不言

熊虎之旗者此文有脫佚之故文選西京賦薛綜注引爾雅熊虎爲旗是薛君所見爾雅有此一句

交龍爲旂

倚也畫作兩龍相依倚

畢沅曰今本有也字據初學記引刪

諸侯所建也

畢沅曰司常交

龍爲旂又云諸侯建旂鄭注諸侯畫

通帛爲旂旂戰也戰戰恭

交龍一象其升朝一象其下復也

已而已通以赤色爲之

畢沅曰色

無文采三孤所建象無事也

畢沅曰司常通帛爲旂鄭注通帛謂大赤從周正色無飾又云
孤卿建旂鄭注孤卿不畫言奉王之政教而已今本通以赤色
爲之無文采九字在諸侯所建
之上誤也據司常文更正之
熊虎爲旗旗期也言與眾期於
下畢沅曰周禮大司馬田之日司馬建旗于後表之中羣吏以
旗物鼓鐸錡各帥其民而致此與眾期之事也王啟原曰
史記仲尼弟子傳巫馬旗字子施名字相配是本名旗而論語
呂氏春秋俱作巫馬期以旗義取諸期故假爲之周禮大司馬
司馬以旗致民注以旗者立旗期
民于其下也此亦可證旗期之義
軍將所建象其猛如熊虎也
畢沅曰今本脫旗期也三字又脫猛如熊虎之熊而于如虎下
作與眾期其下也據初學記引改司常熊虎爲旗又云師都建
旗鄭注師都六鄉六遂大夫也畫熊虎者鄉遂出軍賦象其守
猛莫敢犯也此言軍將所建似不同何也案鄭注大司馬敘官
云言軍將皆命卿則凡軍帥不特置選於六官六鄉之吏自卿
以下德任者使兼官焉然則鄉遂大夫或有時爲軍將故建旗
此文原不違周禮也又大司馬曰軍吏
載旗鄭注以爲軍帥則固是軍將矣
鳥隼爲旟旟期也軍吏
所建急疾趨事則有稱譽也
畢沅曰司常鳥隼爲旟又曰州里
吏所建蓋州長里宰及百官皆有時爲軍吏也爾雅錯革鳥日
旗孫炎注錯置也革急也畫急疾之鳥于綦也案急疾之鳥鳥

隼是雜帛爲物畢沅曰說文勿州里所建旗象其柄有三游雜帛幅半異所以趣民故遽稱勿勿或从於作旂

也司常雜帛爲物物假借字今本作雜帛爲旂初學記亦云一作旂則異本之誤也御覽兩引儀式部引作旂兵部引作物今當依說文作勿

或旂爲正以雜色綴其邊爲燕尾畢沅曰燕今本誤作翅據初學記引改鄭注司常曰

雜帛者以帛素飾其側葉德炯曰公羊宣十二年傳莊王親自手旂何休注繼旂如燕尾曰旂將帥所建畢沅

常大夫士建物大司馬象物雜色也畢沅曰今本脫色龜蛇爲鄉遂載物皆與此異

旂旂兆也龜知氣兆之吉凶先謙曰吳校建之於後察度事宜

之形兆也畢沅曰司常龜蛇爲旂又曰縣鄙建旂大司馬郊野

難辟害也全羽爲旂畢沅曰初學記引作旂旂猶滑也順滑之說與此異

貌也析羽爲旂旂精也有精光也畢沅曰司常全羽爲旂析羽

旂鄭注道車象路也王以朝夕燕出入旂車木路也王以田以

鄴全羽析羽五色象其文德也然則旂旂天子之車所載故此

不言所建葉德炯曰說文旂游車載旂析羽注旂首所以精

進士卒按旂精本疊韻但許言精進此言精光義訓微別

綏有虞氏之旌也注旌竿首其形纖纖然也

畢沅曰禮記明堂位有虞氏之旌夏

后氏之綏鄭注綏當爲綏讀如冠裝之裝有虞氏當言綏夏后氏當言旂此蓋錯誤也裝謂注旌牛尾于杠首所謂大麾

綏夏后氏之旌也其形衰衰也

畢沅曰明堂位夏后氏之綏鄭注辯其誤已見上先謙曰吳校

綏上有或曰三字通上爲一條

白旆殷旌也以帛維旐末也

畢沅曰明堂位殷之大白周之赤爾雅維旐曰旐此當云大白殷

旌也大赤周旌也帛旐以帛維旐末也孫炎注爾雅引詩帛旐英英

翳陶也其貌陶陶下垂也

畢沅曰鄭仲師注周禮鄉師云翳羽葆幢也葉德炯曰翳與翻古字通詩

君子陽陽左執翻說文羽部引作左執翳蓋出三家也翻陶取疊韻爲訓

幢童也其貌童童然也

畢沅曰今本脫然字據後漢書班超傳注廣韻御覽引補葉德炯曰方言二翻

幢翳也關東關西曰幢下童童當讀詩采芣被之童童之童箋云童童疎敬也文選東京賦樹羽幢幢薛綜注幢童羽兒與此

有別蓋幢爲幢麾之幢手持之物當訓疎敬也上文陶陶亦當依詩君子陶陶傳陶陶訓和樂兒

旛幡也

畢沅曰說文旛幡胡也

其貌幡幡然也

畢沅曰今本脫然字據御覽引補

校號也將帥號令之所在也

畢沅曰未闕軍中有所謂校者疑校當爲旛尙書秦誓師尙父右把

白旛以號姆誓武王右秉白旛以麾則旛者號令之所在也且旛號聲相近姑識所疑以俟後賢定焉王啟原曰中山策五校大夫注校軍營也漢書衛青傳常護軍傳校獲王注校者營壘之稱云傳校可證號令所在之說續漢書百官志大將軍營五部部有校則一壘有一校尉故漢西京宿衛有中壘校尉校尉傳將軍之號令校爲軍壘故云校號而爲號令所在也

節者號令賞罰之節也

畢沅曰者今本作爲據御覽引改案史記高祖紀索隱引此下有又節毛上下

相重取象竹節十一字

鐸度也號令之限度也

畢沅曰周禮大司馬振鐸則羣吏作旗車徒皆作提鐸則羣吏與旗車徒皆坐

是鐸爲號令之限度也鄭注周禮小宰云文事奮木鐸武事奮金鐸

金鼓金禁也爲進退之禁也

王啟原曰魏志太祖紀建安二十一年冬十月治兵注引魏書云王

親執金鼓以令進退蘇輿曰本書釋天金禁也其氣剛嚴能禁制也

戚感也

畢沅曰說文戚戚也从戌未聲戚憂也从心戚聲蘇與

戚集解引鄭注長

戚戚多憂懼兒也斧以斬斷見者皆感懼也

戌

畢沅曰說文戌大斧也从戈丿聲今本作鉞案說文鉞

訓車鑾聲也从金戌聲詩曰鑾聲鉞鉞則鉞字誼別

所向莫敢當前豁然破散也

釋車第二十四

車古者曰車

畢沅曰書牧誓釋文引無曰車二字

聲如居言行所以居人也

畢沅曰書

牧誓釋文詩召南釋文引皆無言行二字一切經音義引有之

葉德炯曰禮曾子問天子以德爲車注車或作居釋草望乘居

釋文元嘉本作車莊子徐無鬼若乘日之車

畢沅

釋文元嘉本作居此皆車音如居之證今日車聲近舍

本脫此三字據書牧誓釋文引補說文舒字舍聲余字舍省聲

則舍字之音古今不同舍之古音重讀則如庶輕讀則如舒詩

何人斯第五章舍與車肝叶是明車舍也行者所處若居舍也

證也故車聲近舍互詳辯釋名畢沅曰居今本誤作車據藝文類聚引改御覽引此下有黃帝

造車故號軒轅氏九字說文車夏后時奚仲所作案左傳奚仲

爲車正之官爾非造車也堯典云車服以庸則車由來舊矣蓋實始於黃帝

天子所乘曰路路亦車也謂之路者言行於道路也

蘇輿曰白虎通車旂

篇路者何謂也路大也道也正也君至尊制度大所以行道德之正也路者君車也文選東京賦龍路充庭薛注路天子之車

也金路玉路以金玉飾車也象路革路木路各隨所以爲飾名

之也

畢沅曰今本作天子所乘曰玉輅以玉飾車也在輅亦車也之上其金輅以次于象輅之下易去革路據御覽引改

唯末句從今本諸路字今本除道路皆作輅御覽引亦然唯一切經音義引作路案說文輅車輪前橫木也則其誼別周禮王

之五路字不从車今尚書顧命輅字乃衛包所改隸古定本實作路茲定從路周禮巾車王之五路玉路錫樊纓纓十有再就金

路鈎樊纓纓九就象路朱樊纓七就革路龍勒條纓五就木路前樊鶴纓鄭注玉路以玉飾諸末金路以金飾諸末象路以象飾

諸末革路鞅之以革而漆之木路不鞅以革漆之而已是各隨所以爲飾名之也葉德炯曰文選四子講德論注引白虎通名

車爲輅者言所以步之於路也

鈎車以行爲陳鈎般曲直有正夏所制也

畢沅曰禮記明堂位鈎車夏后氏之路也

毛詩六月傳夏后氏曰鉤車先正也葉德炯曰夏后爲車正則鉤車爲車制之祖矣鉤讀如句股之句制車必用測算攷工記所載厚博長短尺寸是也句般曲直當作句股曲直爾雅九河鉤盤釋文引李巡本作鉤股云水曲如鉤折如人股此鉤般爲句股之證攷工記輪人規之欲其圓也萬之欲其匡也以下皆所謂句股曲直也此鉤車必取鉤股之義無疑明堂位鄭注鉤有曲輿者也正義輿則車牀曲輿謂曲前闕也以鉤爲曲闕義實不悖夫車制多矣安有因一曲闕遂名全車爲鉤車之理鄭注自據所見曲闕者而言非鉤車最初之名義也御覽兵部八十五引司馬遷云夏后氏曰鉤車先正也宋衷注鉤設浦車臺近計車量也以立壘正者什伍之例也按量也爲量地之誤量地卽推步之法但宋注就用時立算與此有別然其取於句股義一也

胡奴車東胡以罪沒入官爲奴者引之殷所制也

畢沅曰今本脫胡奴之奴

東胡謠作車胡據詭增改鄭注周禮鄉師引司馬遷曰夏后氏謂輦曰余車殷曰胡奴車周曰輦輦案毛詩六月傳夏后氏曰鉤中殷曰寅車周曰元戎詩正義以爲司馬遷文而與周禮注所引異者據本書鉤車寅車元戎皆戎車乃駕馬之車余車胡奴車輦輦御覽引作輦車皆人輓行之輦本不同也皮錫瑞曰案古瑚璉字亦作胡輦夏后氏之四連股之六瑚疑卽取義於

車先謙曰吳校
官爲二字互乙

元戎車在軍前啟突敵陳周所制也

畢沅曰毛詩六月傳周曰元戎先夏也皮錫瑞曰史

記集解引韓詩薛君章句曰元戎大戎謂兵車也車有大戎十乘謂車綬輪馬被甲衡軛之上盡有劍戟名曰陷陣之車所以冒突先啟敵家之行伍也鄭箋二者及元戎皆可以先前啟突敵陣之前行用韓說葉德炯曰孟子盡心下革車三百兩疏引牧誓作戎車三百兩御覽兵部六十五引書同然則戎車始於武王伐紂時矣故云周所制先謙曰吳校在上補元戎二字

輦車人所輦也

畢沅曰說文輦輦車也从車扶在車前引之也鄭注周禮鄉師云輦人輦行

柏車柏伯也大也

先謙曰吳校大上有伯字

丁夫服任之大車也

畢沅曰大車今本誤

作小車案服任之車實是大車且釋柏爲大誼安得又云小車據改攷工記車人柏車轂長一柯其圍二柯其輻一柯其渠二柯者三五分其輪崇以其一爲之牙圍鄭注輪高六尺牙圍尺二寸記又曰柏車二柯注云較六尺也葉德炯曰論語大車無輓小車無輓唐武后臣軌注引鄭注云大車柏車小車羊車集解引包咸注大車牛車小車騶馬車按考工記輅人是故大車平地既節軒擊之任及其登陘不伏其輓必縊其牛云云則大車是牛車矣車人爲車分柏車大車羊車則大車非柏車矣包

注論語蓋本考工鄭及成國所云則漢制也

羊車皮錫璫曰晉書輿服志羊車一名輦車其上如輅伏菟箱漆畫輪軌齊書輿服志隋書禮儀志同謂羊車金漆牽車

漢時以人牽之梁高僧傳云天監八年敕給銅三千斤見羊車傳詔北史李諸傳賜斛律金羊車上殿隋書禮儀志隋馭童年

十四五者二十人謂之羊車小史駕果下馬其大如羊唐志屬車七曰羊車此皆名羊而非駕羊之證與下文所云羸車羊車

不同羊祥也畢沅曰說文同王啟原曰春秋昭十一年盟于穀義羊祥也祥公羊作侵羊春秋說題辭羊者祥也漢碑每以

吉祥為祥善也爾雅文善飾之車今犢車是也畢沅曰攷工記車人羊車二柯

有參分柯之一鄭注羊善也善車若今定張車較長七尺成蓉鏡曰御覽七百七十五引桓譚別傳曰薄其資惟有犢車一乘

墨車漆之正黑無文飾大夫所乘也畢沅曰周禮巾車大夫乘墨車鄭注墨車不畫也是

無文飾也蘇與曰儀禮觀禮侯氏乘墨車鄭注墨車大夫制也又士昏禮主人爵弁纁裳緇褙從者畢左端乘墨車注墨車漆

車士而乘墨車攝盛也先謙曰吳校黑下補如墨二字

重較其較重畢沅曰較卿所乘也畢沅曰鄭注攷工記輿人云較兩轡上出式者說文較車

騎上曲銅從車父聲據李善注西京賦所引曲銅作曲鉤爲是
毛詩淇澳傳重較卿士之車案周禮車無重較單較之文以鄭
注攷之式低較高望之若兩重然古今注重較在
車轆上重起如牛角故云重較皆指在車兩旁者

役車給役之車也棧車棧靖也庥靖物之車也皆庶人所乘也

畢沅曰今本棧車云云提行別起據云皆庶人所乘言皆則兼
承役車棧車當合爲一周禮巾車士乘棧車庶人乘役車茲曰
皆庶人所乘者說文竹木之車曰棧竹木之車微賤庶人亦得
乘之也鄭注巾車棧車不革鞅而漆之役車方箱可載任器以
供役

輓車戎者所乘也

畢沅曰說文輓兵車也从車屯聲杜注左傳
亦云兵車名蘇輿曰輓車見左宣十二年傳

疏引服虔云輓車屯守之車案服以
字從屯取義其爲戎者所乘則一也

容車婦人所載小車也其蓋施帷所以隱蔽其形容也

畢沅曰周禮巾

車王后之五路重翟厭翟安車三者皆有容蓋鄭仲師注容謂
幃車山東謂之裳帷或曰湣容儀禮士昏禮婦車亦如之有袞
康成注袞車裳帷周禮謂之容車有容則固有蓋
毛詩氓傳帷裳婦人之車也鄭箋帷裳童容也

衣車前戶所以載衣服之車也

成蓉鏡曰後漢梁冀傳注引倉頡篇云輶衣車也左定九年傳

正義引說文輶輶衣車也禮曲禮不乘奇車正義引何允禮記

隱義云衣車如鼃而長也漢書霍光傳注孟康曰輶輶車如衣

車有窗牖據成國云衣車前戶是他車皆後戶魏志孫賓碩乘

輶車入市見趙岐開車後戶顧所將兩騎令下馬扶上之亦其

證孫詒讓曰案衣車前戶者對輶車後戶也輶車後戶見周說

文車部云輶輶車前衣車後也漢時輶車輶車衣車三者制度

蓋略相類故蒼頡篇云輶衣車也明其形大同惟以前後衣蔽

及開戶微有區別蓋輶車四面有衣蔽故此下文云輶車輶車

也四面屏蔽婦人所乘牛車也衣車則後有衣蔽而前開戶可

以啟閉輶車則前有衣蔽有後開戶故劉云衣車前戶而許君

又以輶車前衣車後釋輶車也蘇輿曰定九年傳載輶輶寔於

其中而逃孔疏引賈逵云輶輶衣車也有輶有輶是衣車即輶

輶之本稱漢書霍光傳昌邑王略女子載之衣車則衣車亦婦

人所乘故有輶與輶輶輶輶亦為隱蔽形容之用又兼載衣

服可臥息也故成

國次於容車之後

獵車所乘以畋獵也

畢沅曰此周禮所謂田路成蓉鏡曰續漢

書輿服志獵車一曰闔猪車親校獵乘之

禮曲禮不乘奇車注奇車獵衣之屬正義引輿義云獵車之形

今之鈎車是也漢桓帝之時禁臣下乘之蘇輿曰晉書輿服志

獵車駕四車天子校獵所乘卽此

小車駕馬輕小之車也駕馬宜輕使之局小也

畢沅曰句咸論語注小車驅馬

車先謙曰吳校使上有故字

高車其蓋高立乘載之車也

畢沅曰攷工記輪人爲蓋達常圓三寸程圍倍之六寸部長二尺程

長倍之四尺者二鄭司農云達常蓋斗柄下入杠中也程蓋杠也部蓋斗也又云杠長八尺謂達常以下也加達常二尺則蓋高一丈立乘也王啟原曰立乘載之車也呂本無乘字蘇輿曰晉志車坐乘者謂之安車倚乘者謂之立車亦謂之高車

安車蓋卑坐乘今吏所乘小車也

畢沅曰鄭注禮記曲禮云安車坐乘若今小車也成荅鏡

曰漢書車千秋傳千秋年老上優之朝見得乘小車入宮殿中

羸車羊車

畢沅曰羊今本作羔誤

各以所駕名之也

畢沅曰御覽引曰羊車以羊所駕名車也

蓋節引此條非別有一條也前文雖已有羊車前文以祥善爲誼此則以駕羊爲稱名同而實不同也成荅鏡曰蜀志後主劉禪乘驛車降鄧艾御覽七百七十五引晉書曰武帝平吳之後按庭殆將萬人常乘羊車恣其所之又曰衛玠總角乘羊車入

市

檻車上施闌檻以格猛獸亦囚禁罪人之車也

畢沅曰今本脫亦囚禁罪人五

字據文選長楊賦注引補成荅鏡曰漢書楊雄傳捕熊羆豪豬虎豹狢獲狐兔麋鹿載以檻車是檻車格猛獸之證史記張耳陳餘傳乃檻車膠致與王詣長安後漢鄧騭傳任尙坐斷盜軍糧檻車徵詣廷尉急就章攷擊却奪檻車膠亦檻車囚禁罪人之證

輶車輶遙也遙遠也四向遠望之車也

畢沅曰遙字俗當作繇說文說繇擊也是即說

鼠忌器之說也則繇爲繇遠字明矣蘇輿曰說文輶小車也漢書平帝紀元始三年立輶併馬顏注引服虔云輶音謠立乘小車也御覽車部四引謝承後漢書許慶家貧爲督郵乘牛車鄉里號曰輶車督郵又引傅子漢世乘輶則貴人也李尤輶車銘曰輪以代步屏以蔽容竝此矣

輶車載輶重臥息其中之車也輶廁也所載衣物雜廁其中也

輶車輶屏也

皮錫瑞曰周禮巾車翟車注如今輶車是也

四面屏蔽婦人所乘牛車

也畢沅曰今本駢作駢牛車作牛馬輜駢之形同有邸曰輜無

邸畢沅曰宋書禮志引字林曰駢車有衣蔽無後輶其有

邸即輶之借字考工記駢人亦云不援其邸必緝其牛後邸即

所謂後輶凡輶車後開戶故有後輶駢車四面屏蔽則無後輶

劉說與字林可互證也蘇輿曰說文輶下云輜駢衣車也駢下

云車前衣也車後爲輶是輜駢渾言則同析言則別列女傳齊

孟姬云立車無駢非敢受命可見駢爲屏蔽之用

駢句也輶上句也畢沅曰說文駢輶也毛詩

衡橫也橫馬頸上也王先慎曰說文衡牛觸橫大木其角是衡

稱莊子馬蹄加之以衡阮釋文衡輶前橫木縛輶者也左官十

二年傳拔旆投衡疏衡是馬頸上橫木即本此釋衡橫字通義

同

游環在服馬背上駢馬之外轡貫之游移前卻無定處也畢沅

今本作常據詩小戎正義引改小戎詩毛傳游環鞿環也游在

其出先謙曰吳校在上有瓊字

脅驅在服馬外脅也

畢沅曰詩小戎正義引作當服馬脅也小戎傳脅驅慎駕具所以止入也箋脅驅者

著服馬之外脅以止駮之入

陰蔭也橫側車前所以蔭筇也

畢沅曰今本脫所字蔭筇作陰筇誤也詩小戎正義引作所以

蔭筇也筇字亦誤後文有云筇橫在車前纖竹作之孔筇筇也然則陰筇同在一處而陰在筇上所以蔭之據是誼改小戎傳

陰揜軌也箋揜軌在軾前垂軌上

鞞所以引車也塗沃也

畢沅曰今本沃也上衍金塗二字據詩小戎正義引刪

冶白金以

沃灌鞞環也續續鞞端也

畢沅曰小戎傳鞞所以引也塗白金也續續鞞也箋塗續白金飾續鞞之

環皮錫瑞曰詩正義引釋器曰白金謂之銀白金不名塗言塗白金者謂銷此白金以沃灌鞞環蓋即本此然廣雅云白銅謂

之塗白銅即白金也王船山謂塗乃白銅之名從無沃灌之義以塗飾續環者即今之嵌銅事件鑿鐵作窠以鍊成銅片嵌入

之若以塗為沃灌則生熟不相霑洽其說似勝

畢沅曰韞一切經音義引作茵說文茵車重席从艸因聲韞司馬相如說茵从革則

畢沅曰今本脫爲之二字據一切經音義引補小戎傳文茵虎皮也

因與下輿相聯著也

畢沅曰鞅說文所無玉篇云亦作鞅說文云紙車紙也从糸伏聲則紙乃本字

案漢書酷吏周陽由傳汲黯爲校司馬安之文惡俱在二千石列同車未嘗敢均茵馮顏注馮讀凭案亦可讀如字與鞞一聲

之轉耳或說此條當在下一條軾之下句首當作亦曰鞞并爲一條其說似可從蘇輿曰鞞字亦作伏史記酷吏傳同車未嘗

10

畢沅曰御覽引作式所敬者案當云伏以

100

鞋 轉 畢沅曰二字說文所無王啟原曰鞋轉呂本作靴轉葉德炯曰說文作鞋轉因說文鞋訓車被具轉訓車下索與重

薦義異故以此字當之急就章輒歎鞋襦案鑑
錫正作鞋襦史游在許書前其說當有據矣
車中重薦也沅

曰顏師古注急就篇即用此語王氏補注鞋鞵音杜薄重文龍
反廣雅鞋鞵謂之鞵廣韻鞋鞵取別名一名鞋鞵案鞵取乃盛
箭室與鞵誼不合蘇輿曰王氏念孫廣雅疏證云鞋鞵疊韻字
廣韻餘他胡切鞵餘屨也屨屨中薦也鞵餘亦疊均字屨中薦
謂之鞵鞵猶車中薦謂之鞋鞵矣輕鞋鞵小短者也畢沅曰今本作小短也
從段改廣雅知短也

鞵埒也體堅埒也

畢沅曰埒俗字依說文作埒云堅不可拔也
从土高聲葉德炯曰攷工記輪人凡新鞵之

道必矩其陰陽則鞵雖微
不歇此制鞵堅埒之證

輶援也車之大援也

畢沅曰說文援引也輶所以引車故曰車
之大援皮錫瑞曰爰篇文以爲輶字古輶

袁爰三字通輶固或
作袁而袁益亦作爰

枕橫也橫在前如臥牀之有枕也

畢沅曰今本枕橫也三字誤
在下又雜出橫在下也四字

案御覽引橫橫在前若臥牀之有枕無下語首定脫去兩字耳
茲據移正下亦據刪方言曰軫謂之枕王啟原曰素問骨空論
頭橫骨爲枕然則臥所薦首之枕亦取橫義車軫亦橫故亦云
枕詩葛生以枕與衾韻是枕音近橫蘇輿曰枕當作枕王氏念
孫廣雅論謂之枕疏云此謂船前橫木也枕之言橫也集均枕
舟前木也凡舟車前之橫木皆曰枕眾經音義卷十四云枕聲

類作輓車下橫木也今車牀及梯檠下橫木皆曰枕釋名釋車云枕橫在前如臥牀之有枕也枕橫也橫在下也義與聲類同今本釋名枕字譌作枕而校書者輒證以方言軫謂之枕且刪去橫在下也四字弗思甚矣與素枕橫古同聲尤與尤旁又易亂臥牀之有枕亦謂牀下橫木此例正合王說殆得之

薦版在上如薦席也齊人謂車枕以前曰縮言局縮也克冀曰

育御者坐中執御育育然也

畢沅曰坐似當作在葉德炯曰此就車之大小名之齊人車小故曰

局縮克冀車大故曰育御成國多以當時語況喻此類是也孫詒讓曰案西京雜記下云月之旦爲朔車之轉亦謂之朔此云車枕以前即當轉之處疑縮即朔音近通稱車育他書亦未見玉篇車部有輅字云弋足切車枕前也騷騷三集韻三燭云車枕謂之輅或作輅育輅音亦相近疑即因克冀語而增制輅輅二字矣

較在箱上爲率較也

皮錫瑞曰攷工記與人爲之較崇注故書較作椎杜子春云當爲較是較椎古通率

較即率椎漢書王莽傳率而權之後漢靈帝紀豪右率椎

立人象人立也或曰陽門在前曰陽兩旁似門也

畢沅曰鄭仲師注攷工記

車人云羊車謂車羊門也羊門即陽門古字陽羊通廣雅陽門蔽簷也葉德炯曰此讀如前釋形體立人之立人

桶扼也所以扼牛頸也

畢沅曰說文桶大車扼从木桶聲攷工記車人云桶長六尺鄭仲師注桶謂轅

端厭牛領者桶馬曰烏啄

畢沅曰大駕桶以駕牛小車衛以駕馬然則烏啄謂衛也蘇輿曰烏啄亦

謂烏啄古啄喝通用詩韓奕金厄毛傳金厄烏喝也即此吟作

元樹猷引韻略舉鵠以駮駘抗抵厄扼執竝同士喪禮鄭注

今文輓爲厄是也小爾雅廣下向又馬頸皮錫瑞曰左襄十四

器衡扼也扼上者謂之烏啄下向又馬頸

皮錫瑞曰左襄十四

虔解詁云車輓兩邊又馬頸者杜云車輓卷者似烏開口向下啄物時也

年傳射兩輪而還服

隆彊言體隆而彊也或曰車弓似弓曲也

畢沅曰此攷工記所謂蓋弓也記曰參分

弓而揉其一揉則曲曲則其體穹隆故曰隆彊皮錫瑞曰方言

車拘篋南楚之外謂之蓬或謂之隆屈郭注即車弓也今呼車

子弓爲篋說文賴淮陽名車穹隆蘇輿曰廣雅釋

器隆屈輦也隆彊即隆屈屈彊見漢書屈亦彊也其上竹曰郎

疏相遠晶晶然也

畢沅曰說文晶晶光也从三日晶生聲攷工記蓋弓二十有八以象星也故曰晶晶

然先謙曰吳校郎作朗

桑複也重複非一之言也

畢沅曰桑今本作輶說文無輶字且未聞車制有所謂輶者似非也御覽

引作軸亦非小戎詩云五桑梁輶傳云五五束也桑歷錄也一
轉五束束有歷錄據云重複非一之言則與五束誼合而桑與
複音又相近遂改作桑
先謙曰吳校桑作輶

輶畢沅曰輶俗字也攷工記輪人云牙也者以為固抱也鄭仲

師注牙讀如跋者逐跋者之逐謂輪輶也世閒或謂之罔然

則罔字不从車葉德炯曰輶亦謂之渠考工記車人渠三柯者

三鄭注渠二丈七尺謂罔也又引鄭司農云渠謂車輶所謂牙

牙謂牙匱也尚書大傳散宜生之江淮之浦取大貝如大車之

渠鄭注渠車罔也鄭注二書均作罔字則罔為正體說文無輶

篆解字有之柝下云一曰車輶會也即此罔也罔羅周輪之外

解字从隸故作輶柝即考工記牙圍之牙也罔羅周輪之外

也蘇輿曰罔羅周輪之外也御關西曰輶言曲輶也皮錫瑞曰

輶輶輶輶輶輶顏注輶車輶也或曰輶輶輶也輶連其外也畢沅

文無輶字疑當假借屋構聯之構葉德炯曰輶即輶也二字說文所無輶見急就章

輪輶也言彌輶也周市之言也或曰輶言輶總入輶中也畢沅

畢沅曰今

本分別爲二條脫或曰二字據御覽引增補并合之說文無總字方言云關西輪謂之輶注音總但輶字亦說文所無據言輶總入輶中則字當作總老子道經三十輶共一轡是言輶總入輶中也先謙曰言彌綸也吳校無言字也字

輿舉也

蘇輿曰廣雅釋詁輿舉也本此曲禮正義輿車牀也車牀以舉眾物眾經音義引蒼頡篇舉也輿舉同

軸抽也入輶中可抽出也

畢沅曰輶在輿下貫兩輶而兩端皆出輶外者也

釭空也其中空也

畢沅曰說文釭車輶中鐵也釭中空以受軸也葉德炯曰方言九車釭齊燕海岱之間謂

之錫或謂之錕自關而西謂之釭蘇輿曰王氏念孫廣雅疏證云凡鐵之中空而受軸者謂之釭新序雜事篇溜于髡謂鄒忌曰方內而員釭是也內與軸同車釭空中故又謂之穿在內爲大穿在外爲小穿考工記輪人五分其輶之長去一以爲賢去三以爲輶鄭眾注賢大穿輶小穿是也說文釜斤斧穿也斤斧穿謂之釜猶車穿謂之釭釭釜之爲言皆空也

鋼間也間釭軸之間使不相摩也

畢沅曰說文鋼車軸鐵也蓋軸貫輶中輶轉則與軸相摩

而輶中有釭恐契其軸故以鋼裹軸使不受釭摩也

轄害也車之禁害也

畢沅曰轄貫軸頭之鐵也所以禁輶之突出故曰車之禁害說文轄鍵也蘇輿曰御

覽車部五
引禁作急

輶裏也裏輶頭也

畢沅曰輶案當作榻說文無輶字史記孫卿傳炙輶過髡裴注引別錄曰過字作輶輶者

車之盛膏器也據此諒以求其字則當作榻說文榻盛膏器从木局聲讀若過然則榻乃正字過者假借輶則俗字也泉水詩云載脂載華脂謂以膏裏輶頭也輶者輶之小穿也有膏則滑澤而穀利轉故車有盛膏器字本作榻世俗因其車輶作車旁果字葉德炯曰方言九盛膏者乃謂之錫錫字亦說文所無皆當時隸俗字也今南楚之間以釜爲錫蓋本此

輶指也如指而見於輶頭也

畢沅曰周禮大馭酌僕僕右祭兩輶注云故書輶爲軒杜子春云軒

當作輶或讀軒爲簪并之并案或讀是杜說非也蓋車輶之從橫木既名輶矣不應一車之上異材而同名輶末小穿釘實是軒也輶字唯一見于周禮故書大馭職而改爲輶攷工記去三以爲輶蓋亦改誤也禮記少儀云祭左右輶范則且譌爲輶矣先儒皆不辯其當爲輶故說文車部不收輶字當補之爲備上條輶頭及此輶字皆當作軒此當云軒并也見於輶頭如人簪并而見於冠并之兩旁也

箬橫在車前織竹作之孔箬箬也

畢沅曰說文箬車箬也从竹令聲御覽引孔作空音諠竝

蓋在上覆蓋人也

畢沅曰攷工記輪人為蓋蓋崇十尺

輦藩也蔽水雨也

畢沅曰輦當作輶說文輶車耳反出也从車反聲車耳反出故可以藩蔽水雨蔽上疑脫

一藩字葉德炯曰方言車枸簍其上約謂之笱郭注即輦帶也音瓜良郭云輦上有帶是輦可檜可約其物蓋專為蔽水雨而設

輶蓋又也如屋構檠也

畢沅曰御覽引作輶似弓曲也據說文輶蓋弓也則此云似弓曲當不誤蓋蓋

弓與蓋又相為構檠以張蓋皆得謂之輶顧前有隆彊一條既言或曰車弓似弓曲也則此輶當專謂之輶蓋又蓋又所以檜蓋弓者也皮錫瑞曰考工記檠圖倍之注鄭司農云檠蓋杠也弓鑿廣四枚注弓蓋檠也急就篇蓋輶俛倪扼縛棠顏注蓋車上蓋也檠蓋弓之施爪者也說文瑱車蓋玉瑱漢書王莽傳造華蓋九重高八丈一尺金瑱師古曰瑱讀曰爪謂蓋弓頭為爪形蔡邕獨斷凡乘輿車皆羽蓋金華爪續漢書輿服志羽蓋華爪劉昭注金華施檠末二十有八枚即蓋弓也五經文字檠音老車蓋之弓此云蓋又又即蚤字作又誤

杠公也眾又所公其也

畢沅曰蓋弓二十有八蓋又之數當同眾又所建當有木爲之圈以韜達常而

乘杠上如是則抽出達常可以弛蓋今云眾又所公共則眾又插于杠首四圍不可脫者矣豈蓋常張而不弛者與攷工記輪人爲蓋達常圍三寸程圍倍之六寸程長四尺者二鄭仲師云達常蓋斗柄下入杠中也程蓋杠也鄭康成曰杠長八尺

輶輶猶祕齧也在車軸上正輪之祕齧前卻也

畢沅曰攷工記車人大車崇三

柯輶寸鄭注輶輪算輪人云六尺有六寸之輪輶參分寸之二謂之輪之固鄭注輪算則車行不掉也據云正輪之祕齧前卻正合算誼今本車旁作卑字譌當作算但輪算在輶牙之間乃云有車軸上軸蓋輪字之誤軸與輪不相涉既曰正輪則不得在軸矣祕字似亦誤說文祕車束也作輶字庶幾得之孫詒讓曰慧苑華嚴經音義引聲類云俾倪軾中環持蓋杠者也急就篇蓋輶俾倪扼縛棠顏注俾倪持蓋之杠在軾中央環爲之所以止蓋弓之前卻也此輶輶即急就篇及聲類之俾倪此云在車軸上軸當爲軾正輪之祕齧前卻輪當作輶輶與橈同考工記鄭注云弓蓋橈也急就篇橈亦作輶故此誤爲輪畢氏不審乃謂輶即考工注之輪算其誤甚矣

履似人履也

蘇輿曰御覽車部五引作輶似人履注云輶音劇

又曰伏兔在軸上似之

也又曰輶輶伏也伏於軸上也

畢沅曰輶今本及易釋文引皆作輶說文輶車軸縛也从車復

聲易曰輶輶輶車伏兔也从車美聲周禮曰加軫與輶焉然則輶非是也當為輶說文引周禮者攷工記文也鄭仲師注攷工亦以輶為伏兔

鉤心從輿心下鉤軸也

畢沅曰攷工記車人參分輶之長二在前一在後以鑿其鉤鄭仲師注鉤鉤心

葉德炯曰鉤亦作枸御覽車部五引通俗文軸限者謂之枸心蘇輿曰阮氏元考工記車制圖解云輶在輿底而銜於軸上其兩旁作半規形與軸相合而更有二長足少鏤其軸而夾鉤之所謂鉤心也

轉縛也

畢沅曰此三字今本止作一縛字案說文轉車下索也从革專聲則此當作轉縛乃其訓誼也此書之例每舉

一字輒先訓釋之乃後在車下與輿相連縛也

棠

畢沅曰疑當作棠孫詒讓曰案急就篇亦作棠則漢人多如此作不必改為棠也

檠也

畢沅曰檠今本作蹤俗譌

字也說文檠衰柱也从木堂聲據誼改

在車兩旁檠轉使不得進卻也

畢沅曰一切經音義

廣韻引倉頡篇布帛張車上為檠檠在說文新附字中廣雅檠謂之檠劉熙與張揖時相近是當時有此檠字不得以其新附

之疑

韃憲也所以禦熱也

畢沅曰今本脫所以二字據文選藉田賦注引增蘇輿曰文選韃作轆引云車轆所

以御熱也晉書音義中引首句作轆車慢也以本書例推之非是御覽車部五引通俗文張布曰轆說文無轆字轆在新附中

繼制也牽制之也

畢沅曰說文繼系也从糸世聲春秋傳曰臣負羈繼

紛放也防其放弛以拘之也

畢沅曰說文紛馬尾韜也从糸分聲

轡拂也牽引拂戾以制馬也

畢沅曰拂今本作拂據初學記引改御覽引作佛一切經音義引作

拂誼皆通

勒絡也絡其頭而引之也

畢沅曰說文勒馬頭絡銜也从革力聲

鑣苞也在旁苞斂其口也

畢沅曰初學記引苞作包同今本在上有所以二字據初學記引刪說文

鑣馬銜也从金鹿聲王啟原曰呂本鑣苞也上有銜在口中之言也九字月作一行皮錫瑞曰儀禮既夕記注云古文鑣爲苞

是鑣苞古通用爾雅鑣謂之鑣

鞅嬰也喉下稱嬰言纓絡之也

畢沅曰說文鞅頸韉也皮錫瑞曰儀禮既夕注纓今馬鞅文選

引辭綜注云纓馬鞅服虔左傳解詁曰纓如索韉今乘輿大駕有之纓之爲言壅也言壅馬頸所以負輓纓懸於衡者也無纓則馬與衡不相附而車不可行故太子抽劍斷鞅也古聲纓鞅相轉又嬰本人頸飾鞅在馬頸象之故借以名先謙曰吳校言上有其下飾曰樊纓其形樊樊而上屬纓也
畢沅曰鄭注周禮亦字其下飾曰樊纓其形樊樊而上屬纓也
帶之鞅謂今馬大帶也纓今馬鞅樊纓皆以五采屬飾之

鞅經也橫經其腹下也

畢沅曰說文鞅著掖鞅也从革顯聲一切經音義引橫上有言字

鞅半也拘使半行不得自縱也

畢沅曰說文絆馬繫也从糸半聲今此從革左傳有此字

鞅檢也所以檢持制之也

畢沅曰今本鞅上从网說玉篇鞅古文鞅字則是本作鞅說文作鞅云馬

絡頭者也从网馬馬絆也

韉疆也繫之使不得出疆限也

畢沅曰說文韉馬韉也从糸疆聲今此與下韉字竝从革五經

文字云今經典通用韉蘇輿曰漢書敘傳今吾子己貫仁誼之鞅絆繫聲名之韉頂顏注韉如馬韉也

鞵道也在後道迫使不得卻縮也

畢沅曰說文作縮云馬紉也从糸酋聲紉馬縮也互相制

御覽引作鞵亦見方言使不得今本作不得使據御覽引更之

皮錫瑞曰考工記必縮其牛後注故書縮作鞵注鞵讀爲縮關

東謂紉爲縮說文革部乾馬尾乾今之般縮方言車

紉自關而東周洛韓鄭汝潁而東謂之鞵鞵卽縮也

負在背上之言也

蘇輿曰本書釋姿容背負也置項背也與此互訓方言七凡以驢馬駝駝載物者謂之負

他卽此負字之義

鞵縣也所以縣縛輓也

畢沅曰說文鞵大車縛輓輓从革耳聲今本草旁作尹玉篇有之

釋船第二十五

船循也循水而行也

畢沅曰說文船舟也从舟沿省聲今本沿作鉛譌也沿緣故可訓爲循一切經音義

引循水上

又曰舟言周流也

畢沅曰說文舟船也象形方言曰舟自關而東謂之船自關而西或

謂之舟王啟原曰說文舠而循也从舟舟聲周流周旋字應从此又說文般象舟之旋風俗通舟人相權猶尙畏怖不敢迎上與之周旋今人周旋字皆無作舟者古書舟周亦互通詩大東舟人之子箋舟當作周考工記作舟以行水注故書舟作周左

襄二十三年傳華周說苑立節篇作華舟宣十四年傳申舟其
呂氏春秋行論篇作申周又偶張或作舟張是舟周通用

前立柱曰桅桅巍也巍巍高貌也畢沅曰其前御覽引作船前

本作根據御覽引改葉德炯曰說文無桅字畢以為本作根亦

非也說文門樞謂之根與此全別按淮南說林逮契其舟桅高

誘注桅船弦板也桅字屬船始見於此但船弦是船緣仍非本

義余以為字當作危說文危在高而懼也與桅義正合其消木

者禮喪服大記中屋履危注危棟上也亦消木此桅其尾曰柁

卽禮之危屋以棟為主與船以桅為主其義一也

柁柁也在後見柁曳也畢沅曰今本無在字據一切經音義御覽引增葉德炯曰柁卽舳也方言九後

曰舳舳制水也說文舳舳也一曰舟尾漢書武且弼正船使順

帝紀舳舳千里注引李斐舳舳後持拖處也

流不使他戾也成蓉鏡曰北堂書鈔御覽並引孫放別傳在旁

曰櫓櫓旅也用旅力然後舟行也畢沅曰今本旅作櫓御覽引

眾力也詩云旅力作旅據改案旅之言眾旅力

方剛旅不从月

引舟者曰箬畢沅曰說文箬箬也箬作索也皮錫瑞曰詩采芣

緇纚維之釋文纚韓詩云箬也文選元皇后哀策

文注引韓詩繩繫也繫謂以竿繫之也劉向九歎云濟揚舟於會稽兮注揚木之舟輕而易浮必竹竿維繫以制其行作作也也作起也起舟使動行也畢沅曰御覽引作竿作也起舟使動作也案竿字韻別當云竿作也作舟使動行也不必用起訓

在旁撥水曰櫂

畢沅曰櫂乃說文新附字案史記侯幸傳鄧通以濯船為黃頭郎則古通用濯櫂濯也

濯於水中也且言使舟擢進也又謂之札形似札也又謂之楫

畢沅曰竹竿詩云檜楫松舟毛傳云楫所以濯舟也楫捷也撥水使舟捷疾也所用斥旁

岸曰交一人前一入還相交錯也

葉德炯曰方言九楫謂之橈橈即交之聲轉淮南主術夫

七尺之橈而制船之左右者以水為資高注橈刺船楫也楊高均在劉前只用橈字說文橈訓曲木本無楫名交橈皆借字耳

隨風張幔曰帆帆汎也

葉德炯曰北堂書鈔舟部下引汎汎也三字在隨風張幔上

使舟疾

汎汎然也

畢沅曰帆說文作帆一切經音義兩引一引作船隨風張幔曰帆一引作隨風張幔曰帆帆汎也風便疾

汎汎然也今本汎汎也在隨風之上非據改正葉德炳曰御覽
舟部四引吳時外國傳从加那調州乘大船船張七帆時風一
月餘日入大秦國也按此海船之制今海舟亦有四帆是其遺
法世說顧長康至破冢遺風大敗作戲與殷荊州云行人安穩
布帆無恙水經注江水引漁父歌帆隨湘轉望衡
九面此江舟之帆行風甚疾故云使舟疾汎汎然

舟中牀以薦物者曰筭言但有簣如筭牀也蘇輿曰御覽車部
四筭作筭其標曰

爲筭簣下慮作簣南方人謂之筭突言涇漏之水突然從下過也畢沅
曰御

覽引無南方以下十八字案今船底上有覆版水或浸濡而入

其最低者曰水倉常時去之名曰刮潮與此蓋合故不據刪王

啟原曰呂本其上板曰覆言所覆慮也畢沅曰今本作言所覆
眾枕也非御覽引作覆

突字作寢眾慮衍眾字亦非當云覆慮首其上屋曰廬象廬舍也其上重

篇釋天云露廬也覆慮物也成蓉鏡曰方言九船首謂之閭閭郭
注閭閭今江東呼船頭屋謂之飛閭

屋曰飛廬在上故曰飛也是也閭廬通皮錫瑞曰漢書音義李
斐曰船前頭刺樅處也廬廬義同又在其上曰爵室於中候

望之如鳥爵之警視也畢沅曰觀今本作示北堂書鈔藝文類
聚御覽皆引作若鳥雀之驚視也案藝

是軍行在前門先登登之向敵陳也成蒼鏡曰初學記引晉令水戰有先登

外狹而長曰檣衝畢沅曰今本脫外字據北堂書鈔初學記藝文類聚御覽引增以衝突敵船

也畢沅曰三國吳志董襲討黃祖祖橫兩棠衝夾守河口

輕疾者曰赤馬舟其體正赤疾如馬也畢沅曰御覽引曰舟名青輪千翼赤馬亦名鷁

首唯赤馬見於此餘則皆闕成蒼鏡曰崔豹古今注孫權時名舳為赤馬如馬之走陸也北堂書鈔引杜預表長史劉循治洛陽以東運渠嘗用赤馬

先謙曰吳校刪舟字

上下重版曰檣畢沅曰版今本作牀據初學記引改四方施版以禦矢石其內如

牢檻也蘇輿曰御覽車部三引營繕令曰諸私家不得有戰艦等船謂此

五百斛以上還有小屋曰斥候以視敵進退也葉德炯曰周禮遺人市有候館

注候館樓可以觀望者也史記李將軍傳然亦遠斥候索隱引淮南許慎注斥度也候觀也望也按斥候古望樓此因船有望

樓故取其義以名之先謙曰吳校還作環

三百斛曰舩

畢沅曰舩俗字也當作刀北堂書鈔初學記御覽

若兀則舩字音誼皆非矣毛詩河廣云曾不容刀鄭箋小船曰

刀則古止作刀乃詩正義詩釋文並云說文作舩今說文實無

舩字豈唐人所見異本與一切經音義引方言南楚江湖小船

舩謂之艇郭璞曰艇舩也舩音刀案今方言郭注作艇舩也然

一切經音義明音刀則非形誤矣舩字故當仍之詩舩貂也貂

正義引此則作刀藝文類聚引亦作刀刀正字也

短也江南所名短而廣安不傾危者也

畢沅曰案晉韓博嘲刀

貂也則貂有短說一說當從廣雅作貂說見前名詩正義引作

謂成蓉鏡曰初學記引埤蒼云舩吳船也王啟原曰畢言舩爲

刀是也刀貂古通用管子豎刀即左氏

傳之寺人貂漢書古今人表亦作豎貂

二百斛以下曰艇

畢沅曰下詩河廣正義引作上一切經音義

當借用艇艇與曰淮南似真訓越船蜀艇不能無水而浮高注

蜀艇一版之船若今豫章是也方言九小帽艇謂之艇小爾雅

廣器小船艇挺也畢沅曰本無此三字據此書之例增其形徑挺一人二人所乘

謂之艇艇挺也

行者也

畢沅曰今本無乘字者字據藝文類聚引有乘字御覽引并有者字據增